

法華經台宗會義

卷之四


C40
4514
(10)



0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

C40-4514

了翁座請大藏及百
家書置武州紫雲山
我微齋院庭中水
為學者不敢許出院內
當山二世鐵牛機譯



B 64853

妙法蓮華經台宗會義卷一之三

臨邑王氏印

釋序品竟次釋方便品

臨邑王氏印

方便品第二

宗真實跡此義可尋此

譬喻譬此乃至流通通此釋此爲二先略次廣略
此一經之正宗萬法之都會證信證此發起發此
中爲二初正釋次料簡正釋有三一云方者法也
便者用也法有方圓用有差會三權是矩是方一
實是規是圓若智詣於矩則善用偏法逗會衆生

60

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

若智詣於規則。善用圓法。逗會衆生。如經令離諸
 著。出三界苦。是故如來殷勤稱歎方便。蓋隨衆生
 欲。非佛本懷。此可釋他經。非今品意。二云。方便者
 門也。門爲能通。通于所通。方便權略。皆爲真實作
 門。真實得顯。功由方便。從能顯得名。故以門釋方
 便。如經開方便門。示真實相。此義可釋他經。非今
 品意。三云。方者。秘也。便者。妙也。於昔成秘。今開成
 妙。妙達於方。即是真秘。點內衣裏。無價寶珠。與王
 頃上。惟有一珠。無二無別。指客作人。是長者子。亦

無二無別。方便及門。即是秘妙。如經唯我知。是相
 十方佛亦然。止止不須說。我法妙難思。故以秘釋
 方。以妙釋便。正是今品意也。次料簡者。第一釋。是
 體外方便。化物之權。隨他意語。第二釋。亦是體外
 方便。自行化他之權。是隨自他意語。第三釋。是同
 體方便。卽自行之權。乃爲隨自意語。又第一釋方
 便。非能入。非所入。第二釋方便。是能入。非所入。第
 三釋方便。卽能入。是所入。又第一釋方便。是秘而
 非妙。第二釋方便。秘堪入妙。第三釋方便。秘卽是

60 1 2 3 4 5 6 7 8 9 10 1 2 3 4 5 6 7 8 9 10

妙據正法華名善權品。權卽方便無二無別。低頭舉手皆成佛道。方便善權皆真實也。先略釋竟。次廣釋者破古不錄。今品是如來方便攝一切法。如空包色。若海納流。豈可但以一枝一派。釋法界之大都耶。今明權實者。先作四句。謂一切法皆權。一切法皆實。一切法皆亦權亦實。一切法皆非權非實。一切法權者。如文云諸法如是相性體力作因緣果報本末等。介爾有言。皆是權也。有言不出于千如百界一切法實者。如文云。如來巧說諸法。悅可衆心。衆心

以入實爲悅。被機之意又云。諸法從本來常自寂滅。相
諸法之本。又云。如來所說皆悉到於一切智地。化儀之宗又云。皆實不虛。本行之源又大經云。四句皆不可說也。教之理。諸文皆以入證爲實。故知有說無證。無不皆以真實爲本。一切法皆亦權亦實者。如文云。諸法如實相。是雙明。一切亦權亦實。例如不淨觀亦實亦虛。治欲故實。假想故虛。祇此一觀。是實是虛。何妨一法亦實。一切法皆非權非實者。如文云。非如非異。又云。亦復不行上中下法。有爲無爲。實不實法。非虛非實。如實相也。若一切法皆權。何所不破。縱令百

60 1 2 3 4 5 6 7 8 9 10

1 2 3 4 5 6 7 8 9 10

千種師。一一師作百千種說。無不是權。如來有所說。尚復是權。况復人師。寧得非權。若一切法皆實。又何所不破。唯此一事實餘二則非真。但一究竟道。寧得衆多究竟道耶。諸師異解。皆破入實。寧復保其巢窟。若一切法皆亦權亦實。復何所不破。一切悉有權有實。那得自是一途。非他異解。一一法中皆有權實。不得一向權一向實也。若一切法皆非權非實。復何所不破。何復紛紜。強生建立。直列名。尚如此。況論旨趣耶。須曉四句。祇一法性。法

性。祇是真如實相。如如涅槃。以法性體。不違諸法。不受諸法。不住諸法。不入諸法。故一一名字。一一心法。一一句偈。一一因果。一一凡聖。一一依正。乃至下文十雙。無非法界。自在無礙。其義可成。具如不二十門。所說若本。若末。體理無殊。說而不說。不說而說。照性非遠。自在無窮。雖復無窮。不出四句。四句無句。無句而句。句句徧收十方佛法。但法華前教。教四句。句句未暢。來至此會。一味無殊。具如藥草喻中。差卽無差。無差卽差。今就第三亦權亦

實句更開十法。就十法中爲八番解釋。初列名。二

生起。三解釋。四引證。五結十爲三種權實。六分別

三種權實照三種二諦。七約諸經判權實。八約本

述判權實

開章別釋者已知諸法互融偏入舉實卽是不思議權此權有實乃以此權爲方便品舉權亦權亦實則各有所歸此乃相卽之兩亦攝三之兩亦故用卽真實之方便爲方便品舉非權非實則祇是方便之理理收三句皆方便品是則句

皆偏旨方便品何必約第三句更開十法一者名偏具權實故二者義便所攝偏故餘句義便而各不便餘三雖有權義而權名不如第三卽名卽具用此卽實而權爲今品也故下十雙雙皆具權實之名昔取卽實而權爲方便品况初三總釋皆冠十文八門故也若不爾者非方便之事理乃至

悉檀。非列方便中法相之名乃至非今經之本迹十義十義無二本迹似殊本迹雖殊不思議一事義相別實相一如爲衆生故列名生起乃至本迹事理乃至悉檀不同得意忘言言說解脫若見此意常默常說言行無違還以此旨而爲觀境使彼觀境昭然可觀諸釋所無良由於此然此八中前七迹門第八本門本雖未至權實理偏故下文云是我方便諸佛亦然故方便之名通於本迹又此八門次第意者若不列名無以解釋若不生起迷於詮次解釋正示十文相狀引證爲防不信者故結歸爲明品元意故分別爲令釋品有歸判釋令知粗妙有在如是方顯品之深旨又預辦本迹令識本地權實自他方顯大途久近之化

初列名者一事理權實二理

教權實三教行權實四縛脫權實五因果權實六體用權實七漸頓權實八開合權實九通別權實

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

十悉檀權實。二生起者。從無住本立一切法。無住者理也。一切法者事也。由理事故有教。由教故有行。由行故有縛脫。由脫故成因果。由果故體顯能用。由用故有漸頓之化。由開漸頓故有開合。由開合故有通別益。分別兩益故有四悉檀也。此十雙從因至果。後五果家勝用。因中若無前四。則因義淺狹。若無後五。則果用粗遠。于中教是聖化。且以受者得名。又復文標能化義須對所。故後五雙惟體用中一隻對所。餘四並從能對得名。又此亦與十妙義同。若不爾者。誰知方便須具十法。誰知十法義偏一經。若無十法。乃成經文不詮因果。及以能所。是故十雙皆窮至要方。是今經之十雙也。若爾。一經始終皆名方便。並指前教以爲所開。方乃

可云此經方便。故知序中證信發起方便。譬喻祇是比况方便因緣。祇是往昔方便。本門祇是久遠方便。流通祇是諸佛菩薩通法方便。由是方便。故名真實。若得此意。如觀掌果。法華一部方寸可知。一代教門。剎那便識。因果自他。共成一法。十方三世。無懷異求。以十法乘而觀察之。法華三昧。投足有地。無上佛三解釋者。一理事權實。理是真如。真果修途可期。二理教權實。總前理。

意識等起淨不淨業。改動不定。故名事爲權。若非理則無以立事。若非事則不能顯理。事有顯理之功。是故殷勤稱歎方便。誰肯以三界有漏心等。以爲如來之所稱歎方便品耶。若不爾者。爲令衆生其義安在。世間相言。如何消釋。

60 1 2 3 4 5 6 7 8 9 10

1 2 3 4 5 6 7 8 9 10

法華經疏三

七

事皆名爲理。例如真俗俱稱爲諦。諸佛體之而得成聖。聖者正實也。欲以已法下被衆生。因理設教。教卽權也。非教無以顯理。是故如來稱歎方便。無明無法性。乃至界外一切諸法皆是所詮。此心意識名之與體。具足一法。而爲所詮。若不爾者。邪見嚴王。惡逆調達。從等法而爲所詮。果教譚此能詮亦權。故知其教祇詮其理。何而得果。教譚此能詮亦權。故知其教祇詮其理。自非今經誰肯歎此詮迷之教爲方便品。若不爾者。從三昧起所歎者。何三教行權實。依教求理。則生正行。行有進趣。深淺之殊。故行各權教。無進趣。深淺之異。故教名實。非教無以立行。非行無以會教。會教由行。是故稱歎方便者。若不爾者。如來

方便波羅蜜等。何所證耶。四縛脫權實。行違理則縛。縛是虛妄。故名權。行順理則生解。解冥於理。故名實。諸經地違理未開權故。此經譚非縛無由求脫。得脫由縛指無非佛因。以顯實故。非縛無由求脫。得脫由縛如因屍渡海是。故稱歎方便。誰知此經。佛以惡行死屍之譬。五因果權實。因有進趣。暫用故名權。果有尅終永證。故名實。無果則因無所望。無因則果不自顯。果由因尅。是故稱歎方便。六體用權實。前方便爲因。正觀入住爲果。且指圓初住爲分證果。住出爲體。用。體卽實。相無分別。用卽立。一切法差降不同。

60 1 2 3 4 5 6 7 8 9 10

1 2 3 4 5 6 7 8 9 10

如大地一。生種種芽。初住百界作佛。卽能示十界法。非地無以生物。非生無以顯地。尋流得源。推用識體。是故稱歎方便。七漸頓權實。統論修因證果。從體起用。俱有漸頓。今明起用。用漸爲權。用頓爲實。若非漸引無由入頓。是故稱歎方便。八開合權實。從頓開漸漸自不合。藏通兩教不廢小故亦不合頓。三教菩薩不入實故故名爲權。漸令究竟還合于頓。故名爲實。由開故合。開有合力。是故稱歎方便。九通別權實。通則半字無常之益。別卽滿字常住之益。然常益道長易生退沒。故

以化城接引。生安隱想。然後息化。引至寶所。若無半益。不得會常。半有顯滿之功。是故稱歎方便。十悉檀權實。世界爲人對治。三悉是世間故爲權。第一悉是出世故爲實。非世不得出世。由三悉檀得第一義。是故如來殷勤稱歎方便。三解釋竟。四引證者。此十義通大小教。且一切法。且引今經。不如三界見於三界。三界是事。不如三界見是理。此證事理權實也。諸法寂滅相。不可以言宣。是理。以方便力。故爲五比丘說。是教。此證理教權實也。須

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

若無性者爲說人天乃至修羅爲下品善乃至爲說無作四諦故知從理俱不可說從事大小俱可得說若聞此經是善行菩薩道又汝等所行是菩薩道佛子行道已來世得作佛等此證教行權實也但離虛妄名爲解脫其實未得一切解脫此證縛脫權實也小中虛妄名納離卽名脫若堅大乘仍名爲縛唯今名脫盡行諸佛所有道法是因道場得成果是果此證因果權實也我以佛眼觀是體見六道衆生是用此證體用權實始見我身聞我所說卽皆信受入如來慧是頓除先修習學小乘者是漸此證漸頓權實窮子

初逃中間除糞是開後則付財是合此證開合權一實初息化城是通益後至寶所是別益此證通別權實種種欲種種性相憶念等此證悉檀權實已一通引一部爲證更別引一品雖不次第十文具足諸佛智慧甚深無量其智慧門難解難入者一切事理境智等悉名爲實施設詮辨言教悉是智慧門此證理教論權實難解難入一切聲聞辟支佛所不能知卽是縛脫論權實佛曾親近百千萬億無數諸佛盡行諸佛無量道法勇猛精進名稱普

聞。即是教行論權實。成就甚深。未曾有法。隨宜所說。意趣難解。即是體用論權實。吾從成佛已來者。成佛是果。果必有因。即是因果論權實。種種因緣。種種譬喻。廣演言教。無數方便。引導衆生。令離諸著。即是漸頓論權實。如來方便知見。波羅蜜皆已具足。即是開合論權實。如來能種種分別巧說。諸法言辭柔軟。悅可衆心。即是通別益論權實。取要言之。無量無邊未曾有法。佛悉成就。即是三悉檀成就。止舍利弗。不須復說。即是第一義悉檀。是爲

四悉檀論。權實。佛所成就。第一希有難解之法。唯佛與佛。乃能究盡諸法實相。即是理。所謂諸法。如一是相等。即是事。是爲事理論權實。此一段略明五佛權實。佛佛皆爾。四引證竟。五結十爲三種權實者。先通結。次別結。先通者。此十種通四教。共四十權實。若三藏中自證十法。名自行權實。說已。十法利益。衆生名化他權實。化他之十有實。有權。皆合爲權。自行之十亦有實。有權。皆合爲實。名自行化他權實。餘三教十法。各就當教。東爲三種權實。亦

如是。此中通又當教各以事理教行縛脫因果四種爲自行權實。各以理教開合二種爲化他權實。各以體用漸頓通別悉檀四種爲自他權實。其名雖同其義各異。此中別次別結者。前三教若通若別當分皆是化他權實隨他意語故。圓教若通若別當分皆是自行權實隨自意語故。化他之三若權若實皆名爲權。自行權實皆名爲實。次結成四句。隨他意語。卽一切法權。隨自意語。卽一切法實。雙取。卽一切法亦權亦實。雙遮。卽一切法非權非實。欠

結成三番釋品。若自行自意者。此文稱道場所得法。實也大經云修道得故。權也攝大乘稱如理如量智。如理是實。如量是權。皆是圓教自行權實隨自意語。佛雖於此不可說法。能方便說。而衆生不堪。若發軫單說此法取衆生者。卽不能得。故言不可說不可說也。復置此事以自行權實。兼別教權實共取衆生。大機利者直得。鈍者曲得。小機利鈍俱不得。蓋華嚴意也。復置此事。但用半字權實取衆生。大機利鈍密得。顯不得。小機利鈍但保於證取。亦不得。蓋三

藏意也。復置是事。合用四教權實共取衆生。大機利鈍曲直俱得。小機利鈍保證俱不得。蓋方等意也。復置是事。捨三藏權實用通別圓三種權實共取衆生。大機利鈍俱得。小機利鈍保證俱不得。蓋般若意也。復置是事。捨前三權實單用圓教自行權實取衆生。大小利鈍俱得。蓋法華意也。如來智慧靡所不達。明照時宜用與可否。故釋品云。方者一諸方法也。便者善巧用也。巧用方法取衆生得是故殷勤稱歎方便。此約前四時三種法用不能至實故但成于初義釋品若至法

華縱名法用亦成秘妙之法用也。即可以用釋今品經則方法之名昔日通四今無復三復次

如來自證權實俱不可說。愍念衆生說自證之權爲門。於物非宜衆生不能得入。故自證權亦不可說。說別權實爲門。利者得入。鈍者不入。華縱於物非宜別權實亦不可說。說三藏權實爲門。利者密入。鈍亦不入。二於物非宜。等於物非宜。亦不可說。說二種化他權實爲門。利者得入。鈍亦不入。般若說二種化他權實爲門。利者得入。鈍亦不入。三藏

之權利者鈍者俱得入。從始至終以方便爲門。是故如來稱歎方便。釋品云。方便爲入實之門。卽此意也。前一番明如來能知方便能用方便。此一番明行者能隨順方便。初約方法中明。如來能知能用。方便。法是能知。用是能用。衆生不知是佛方便。今並開之。令衆生知。此一番明令衆生隨順方便者。謂從門順實故也。而亦不知方便卽是所順之實。今亦開之。又二章並有機應二意。但前多從應說。且云如來後多從機說。且云行者故殷勤稱歎之言。並從佛得。復次如來自證修道所得。於一切方便卽是真實。而此真實不可得說。雖能說之。衆生不能卽實。以方便力帶不卽說一卽利者能

卽鈍不能卽。華嚴又純說一不卽利者密。卽鈍者不卽。三藏又帶三不卽說一卽利者能卽。鈍者不卽。方又帶二不卽說一卽利者能卽。鈍者不卽。般若又廢三不卽。純說一切卽利鈍俱能卽。於方便得見真實。法華上兩意用方便從方便。此一意卽方便卽真實。真實卽圓因。圓因卽自行之方便。如此自行方便。今始證入。故釋品云。方者秘也。便者妙也。妙達於方。卽是真秘。從自行方便得名。故言方便品也。五結十爲三種權實竟。六分別三種權實照三種

60 1 2 3 4 5 6 7 8 9 70 1 2 3 4 5 6 7 8 9 80

二諦者。前既通別當分結束權實。通則十雙各三，別則四自一他。四自他共也。今還約此智照義則易見。若通以十種明自行二智者。卽照隨智二諦也。通用十法逗緣者。卽照隨情二諦也。若束四爲二者。卽照隨情智二諦也。每一教中皆束四爲二。謂自行權實皆束爲實。化他權實皆束爲權。故但成二。此通中通也。若當分照諦者。事理敎行縛脫因果悉是自證。卽照隨智二諦也。理敎開合兩屬化他。卽照隨情二諦也。體用漸頓通別悉檀。四通自他。卽照隨情智二諦也。此通中別也。又總束者。三藏敎三十種二智。

是化他二智。皆照隨情二諦。若通敎別敎共六十種二智。是自他二智。卽照隨情智二諦。通敎或時與前三藏共爲隨情二諦。則別敎三十種二智。是自他二智。照隨情智二諦。先收通敎爲自他者。以門故。次揀通敎爲但他者。以當分不詮中理。同灰斷故。唯圓敎三十種權實。是自行二智。照隨智二諦。又三敎若通若別。還指十雙各三別則自四他二等。皆是逗緣。悉是化他二智。照隨情二諦。圓敎若通若別。皆是自行二智。卽照隨智二諦。東三敎之權實。總爲權。東圓敎之權實。總爲實。

卽自他二智。照隨情智二諦也。六分別權實照一
諦竟。七約諸經判權實者。初華嚴論教。但是滿字。
論時。但是乳。論法是一自行一化他。論人。但是菩
薩。二乘如聲如啞。今文云未曾向人說如此事也。
次三藏論教。但是半字。論時。即是酪。論法是一種
化他。論人。但是二乘。今文云住立門外。著弊垢衣。
執除糞器也。次方等論教。對半明滿。論時。並酪明
酥。論法有三種化他。一種自行。論人。小慕于大。今
文云心相體信。入出無難也。次般若論教。帶半明

蒲。論時。挾生而熟。論法有二種化他。一種自行。論
人。大資于小。小教于大。今文云。出內取與。皆使令
知也。今法華論教。廢半明滿。論時。純是醍醐。論法
唯有自行。論人。此實我子。我之所生。我實是父。付
以家業。授記作佛。前教不說者。今皆發之。正直捨
方便。但說無上道。故是自行之權名方便品。自餘
或是自他二智。或化他二智。教行理三。前或已會。若開人者。前教所無。復次華嚴。對二菩薩說。一自一他。不擬二乘。不聞
不解。三藏對二乘說。一化他。不擬菩薩。故無自行。

方等。具對小大。對二乘說兩化他。對菩薩說一
一他。般若對二乘說一他。對菩薩說一自一他。法
華。普對機熟者但明一自。不復有他。文云。菩薩聞
是法。疑網皆已除。千二百羅漢悉亦當作佛。一切
衆生悉入自行之方便。故名方便品也。七約諸經
判權實竟。八約本迹判權實者。如來本地久已證
得一切權實。名爲自行權實。中間垂迹。亦作兼帶
等說。今日垂迹寂場帶別化他說自行。次說一化
他。次說三。次說二。次說廢三等。皆名化他權實。束

本中權實。名實。束迹中權實。名權。即是自他合權
實也。結此則成四句。一切實。一切權。一切亦權亦
實。一切非權非實。舍利弗本證一切權實。即自行
權實。迹在鹿苑單受化他。在方等受一被三折。在
般若帶二轉一。至法華廢三悟一。皆是化他權實。
束本權實爲實。束迹權實爲權。卽自他權實。亦具
四句可知。若從佛迹說。亦是化他之權實。亦稱方
便品。若從引入圓因自行。亦是方便品。若從舍利
弗迹權。亦是方便品。若從舍利弗迹入實。亦是方

60 1 2 3 4 5 6 7 8 9 10 1 2 3 4 5 6 7 8 9 10

便品爲此諸義故稱方便品也

張夢人寶本集

丙二迹門正說爲二。初從今文至則生大歡喜是略開三顯一動執生疑。次從爾時世尊告舍利弗汝已殷勤三請豈得不說。至授學無學人記品是廣開三顯一斷疑生信。丁初中二。初略顯開顯。二騰疑請。戊初又二。初長文重頌歎佛二智。二偈頌。正略開顯動執生疑。己初又三。宣初長文。二重頌庚長文爲二。初寄言歎二智。二絕言歎二智。辛初又二。初明諸佛權實。二

壬明釋迦權實。壬初又三。初雙歎。二雙釋。三雙

結。

癸今初

下書各各不同。四合中道或恐或

爾時世尊從三昧安詳而起。告舍利弗。諸佛智慧甚深無量。其智慧門難解難入。一切聲聞辟支佛所不能知。

爾時者文殊答問已竟時也。佛常在定。何故言起。此有所示。往古諸佛說此經時必前入無量義。卽入法華。今佛亦爾。此示世界悉檀哀從定起觀理。觀機。二俱審諦說。必不謬增長物信。此示爲人悉

檀哀從定起佛寂而常照尚須入定方乃說法。況復散心妄有所說此示對治悉檀哀從定起入定緣理安心實相出定令他安心實相此示第一義悉檀哀從定起安此四法故言安詳而起也。

俱有四教

門悉今須約開顯固告舍利弗者小乘中智慧第一將欲因之而破小智顯大智此乃經家提起之文問此中告舍利弗與大品何別答何但大品始自四阿含終至此經處處有告各各不同四含中或爲發起生滅法輪故告方等斥故告般若加故告今經開

故告天親論云告身子不告餘聲聞者智慧淺故不告諸菩薩者有五一爲聲聞所作事故二廻向大菩提故三令無怯弱故四爲發餘人善恩念故五令不起所作已辦心故當知五意兼異他經前顯露教不云聲聞得入佛智也諸佛智慧甚深無量者歎實智也非三種化他權實故言諸佛顯自行之實故言智慧此智慧體卽一心三智豎徹如理之底故言甚深橫窮法界之邊故言無量此正稱歎之辭無量甚深深高橫廣譬如根深則條茂

源遠則流長。實智既然。權智例爾。其智慧門難解。難入等者歎權智也。自行道前方便。有進趣之力。故名爲門。四十位真因也。從門入到道中。妙覺果位道中稱實道前名權。此卽前十雙中約因果論權實。十住始解。故難解。十地爲入。故難入。非七方便人所能測度。此正歎權之辭。而別舉聲聞辟支不能知者。執重故別破之耳。

藏圓通二乘。信共名爲七方便。法身本意元以自行權實。擬之無機逃走。故言不知。未結緣來名在法身。

已後名無機等。華嚴頓照。如聾如瘡。故言不知。方等彈斥。保任草

菴故言不知。般若轉教。無心希取。故言不知。今大機啓發。放光動地。彼此古今諸佛道同。由懷疑惑。故言不知。利根菩薩節節能知。鈍同二乘。是亦不知也。

(卷)二雙釋

所以者何。佛曾親近百千萬億無數諸佛。盡行諸佛無量道法。勇猛精進。名稱普聞。聞於百萬益計。詔諸佛曾親近等。是釋實智。良由外值佛多稟承至要。故實智甚深。良由內行純厚。盡行道法。故實智無

量無量釋橫廣甚深釋豎高也。勇猛精進等是釋
權智。良由勇猛精進能入難入之門。既入門已澤
被無疆。物欽勝德故名稱普聞亦可。勇猛精進能
入法門卽釋權智深。名稱普聞卽釋權智廣。權智
雖無深廣之語例實智此義則成

(參)三雙結

成就甚深未曾有法隨宜所說意趣難解
稱理究竟故言成就到彼岸底故言甚深此結成
實智也。稱機適會故言隨宜非七方便所知故言

難解此結成權智也。或成就甚深未曾有法結自
行權實隨宜所說意趣難解結化他權實自行權
實俱名爲實化他權實俱名爲權也。初明諸佛權
實竟

(五)二明釋迦權實三初雙歎二雙釋三雙結

今初音節外一去出無量羣山無邊大野咱士
舍利弗吾從成佛已來種種因緣種種譬喻廣演言
教無數方便引導衆生令離諸著慙因緣止譬如本
實智不圓佛道不成旣云成佛一成一切成卽是

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

歎實智也。種種因緣下是歎權智。四十餘年以三種化他權實逗會衆生故言種種因緣也。譬喻者小乘中如芭蕉水沫等譬。大乘中如乾城幻事等譬。廣演者能於一法出無量義也。無數方便卽七種方便也。引導等者說散十善離三途著。說淨十善離欲界著。說三藏離見思著。說菩薩法離涅槃著。說佛法離順道法愛著。

(卷)二雙釋

所以者何。如來方便知見波羅蜜皆已具足

如來二字是釋實智。從真如實相中來而得成佛。故名如來也。方便二字是釋權智。由於方便善巧。故能種種因緣譬喻廣演言教也。知見波羅蜜節雙舉權實。知見一切種智名實知。佛眼名實見道種智名權知。法眼名權見悉到事理邊際故悉名波羅蜜。皆已具足者權實悉究竟也。

(卷)三雙結

舍利弗。如來知見廣大深遠無量無礙力。無所畏禪定解脫。三昧深入無際。成就一切未曾有法。滅其財

0 1 2 3 4 5 6 7 8 9 10

1 2 3 4 5 6 7 8 9 10

廣大明橫淡遠明豎。實智非橫非豎。寄言歎其橫
豎。照無限極。如函大蓋大也。無量者佛地大慈悲
喜捨也。無礙者佛地四辨也。力者佛地十力也。無
所畏者佛地四無所畏也。禪者實相禪也。定者首
楞嚴定也。三昧者王三昧也。深入無際結成權智
豎深。成就一切未曾有法結成權智橫廣。初寄言
歎二智竟

辛二絕言歎二智爲二。初舉絕歎之由。二正絕言
歎

壬初中二。初正舉絕歎之由。二指絕言之

境

癸今初

舍利弗。如來能種種分別。巧說諸法。言辭柔軟悅可衆心。

種種分別巧說諸法。重舉權也。言辭柔軟悅可衆心。重舉實也。上文見他土說頓云出柔軟音。下文身子領解云聞佛柔軟音。故言舉實。衆心乃以得實爲悅故也。前寄言歎前實後權是明從實舒權。今絕言歎前權後實是欲卷權歸實。

癸二指絕言之境

舍利弗。取要言之無量無邊。未曾有法。佛悉成就。
取要者創指之端。猶云略而言之也。無量無邊是
指權。未曾有法是指實。言此二事。佛悉成就。修道
得故。此那可說。若單明一事。不應言悉。悉者雙指
權實也。復次無量無邊。皆未曾有則。卽權而實不
可思議。未曾有法無量無邊。則卽實而權不可思
議。初舉絕歎之由竟。

壬二正絕言歎爲二言歎。一釋止歎意

今初

止舍利弗。不須復說。
此法深寂。言語道斷。體不可說。故止而歎之。設慈
悲爲說。聞不能解。傷其善根。是故止也。

癸二釋止歎意

所以者何。佛所成就第一希有難解之法。唯佛與佛
乃能究竟諸法實相。所謂諸法如是相。如是性。如是
體。如是力。如是作。如是因。如是緣。如是果。如是報。如
是本末究竟等。此釋止歎。凡有兩意。一者佛是最上人。成就修得

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

最上法故不可說。卽約能究盡之智慧言也。二者甚深境界不可思議故不可說。卽約所究盡之諸法實相言也。成就對不成就第一對不第二希有對不希有難解對不難解以果望因自他相對須約教味委悉簡他以顯佛最上人權實橫滿故不可說也。唯佛與佛乃能究盡者初中分獲未盡其源如十四夜月光用未滿獨佛與佛究竟邊底。如望夜月體無不圓光無不徧以顯權實豎深修道得故故不可說也。諸法實相者略標甚深權實境

也。諸法謂百界千如卽實之權也實相謂中道理體卽權之實也。所謂諸法如是相等廣釋甚深權實境也須作四番解釋一約十法界二約佛法界三約離合四約位經云諸法故用十法界釋經云佛所成就希有之法故用佛法界釋經云止止不須說我法妙難思故用離合釋經云唯佛與佛乃能究盡故用位釋也一約十法界者謂六凡四聖法雖無量數不出十一一界中雖復多派不出十如如地獄界當分自具相性乃至本末亦具畜生

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

界相性本末乃至亦具佛法界相性本末無有缺減故阿毘曇毗婆沙云。地獄道成就他化天法。即是其例。餘九法界亦如是。當知一一界皆互具餘九界十如。若照自位九界十如皆名爲權。照其自位佛界十如。名之爲實。一中具無量無量中具一。所以名爲不可思議。凡夫雖具絕理情迷。自鄙無見故云隨想^其二乘雖具捨離求脫。分故云三道即是捨而見故云情迷。不觀。避空求空。反資^其小脫。菩薩雖具照則不周名不了了。藏通照六別照次第故云不問。如來洞覽橫豎具足。中無量爲橫。無量即一爲豎。多一相卽故云具足。

唯獨自明了餘人所不見不可宣示故止止絕言耳。上玄義中已說今不具記。二約佛法界釋者。佛界非相非不相而名如是相指萬善緣因。故下文云衆寶莊校也。佛界非性非不性而名如是性。指智慧了因。故下文云有大白牛也。佛界非體非不體而名如是體。指實相正因。故下文云其車高廣也。佛界非力非不力而名如是力。指菩提道心慈善根力等。故下文云又於其上張設幙蓋也。佛界非作非不作而名如是作。指任運無功用道。故下

文云其疾如風也。佛界非因非不因而名如是因。指四十一位。故下文云乘是寶乘遊于四方也。佛界非緣非不緣而名如是緣。指一切助菩提道故。下文云又多僕從而侍衛之也。佛界非果非不果而名如是果。指妙覺朗然圓因所起。故下文云直至道場也。佛界非報非不報而名如是報。指大般涅槃故。下文云得無量無漏清淨之果報也。佛界非本非末非不本非不末而言本末本卽佛相末卽佛報是自行權也。佛界非等非不等而言究竟

等指於實相故標章云實相是自行之實也。卽實而權故言本末卽權而實故言爲等。問此中佛界與前十界中佛界何別答前則在迷在因。通悟通果今乃唯果不通因迷故一一法皆用雙非。非相卽非假。非不相卽非空。雖出雙非意存三諦下九準知乃至本末究竟等也。如是方名究竟佛乘。是故皆以大車文結此則于今品文是佛果家之諸法實相于彼譬說卽至道場之莊嚴大車于彼宿世卽極果佛之開權寶處于彼本門卽久成佛之所契妙法若正宗可識則流通豈迷一句一偈之言彌可信也。三德三軌之說皎若目前若得此意廣演于八年不出乎一念經五十小劫詎動于剎那例如一代逗機居于心性十方佛事宛然矚目法界根性境而易通隨宜所說咸指藏理此是如來自行權實最爲無上無上相乃至無上果報橫廣

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

豎深而無有上故標章云諸法實相例亦應言諸法實性實體實力乃至實究竟等但略舉一以蔽諸耳如來徧照橫豎悉周如觀掌果祇爲凡夫如雙盲二乘如眇目菩薩夜視矇矓不曉不可得說故止止絕言也三約離合釋者若佛心中所觀十界十如皆無上相乃至無上果報惟是一佛法界如海總萬流如千車共轍此卽自行權實若隨他意則有九法界十如相性等卽是化他權實化他雖復有實皆束爲權自行雖復有權皆束爲實卽

是自行化他權實隨他則開隨自則合橫豎周照開合自在雖開無量無量而一雖合爲一而無量雖無量一而非一非無量雖非一非無量而一而無量惟佛與佛乃能究盡凡夫則誹謗不信二乘則迷悶不受菩薩則塵杌未明爲此義故止止絕言也四約位釋者如是相謂一切衆生皆有實相本自有之乃如來藏之相貌也如是性卽是性德智慧第一義空也如是體卽是中道法性之理也是爲三德通十法界位位皆有若研此三德入

60 1 2 3 4 5 6 7 8 9 10

11 12 13 14 15 16 17 18 19 20

十信位則名如是力如是作。入四十一位。則名如是因如是緣。若至佛地。則名如是果如是報。初三名本。後三名末。初後同是三德。名究竟等。初位三德通。惡通善。通賢。通聖。通小。通大。通始。通極。雖在惡而不沉。雖在善而不升。雖在賢而不下。雖在聖而不高。雖在小而不窄。雖在大而不寬。雖在始而非新。雖在極而非故。故是不可思議。不可得說。所以止止絕言也。復次正德究竟等者。十界相性。權實開合。差別若干。以平等大慧。如實觀之。究竟皆

等。若迷此境。卽有六界相性。名爲世諦。若解此境。卽有二乘相性。名爲真諦。達此非迷非解。卽有菩薩佛界相性。中道第一義諦。若以此慧等於俗諦。俗諦非迷。等於真諦。真諦非解。非解非迷。雙非迷解。但名平等。若雙照者。權即是實。實即是權。雖二而不二。亦名究竟等也。此約惑解等又權實不二之境。七種方便。不能以不二智而等不二之境。惟有諸佛。以不二智等不二境。故言究竟等。此約人等又今大乘機動。不明九界相性。直說一切相性。悉入佛界。

1 2 3 4 5 6 7 8 9 10

1 2 3 4 5 6 7 8 9 10

相性。昔教未說謂昔不與今等。今教說之知昔與今等。故言究竟等。此約教等又所以四釋者明理攝徧故約十界釋。明自證極故約佛界釋。明佛化用故約離合釋。明三德徧故約諸位釋也。初歎佛二智中初長文竟

庚二重頌二初頌寄言歎二智。一頌絕言歎二智。偈頌上文互有廣略。令義易顯耳慧辛初中二初合頌歎二佛二智。二合頌二佛釋歎結歎。長文二佛各歎表化緣異故頌中二合歎示二

智同故壬今初

爾時世尊欲重宣此義而說偈言
世雄不可量。諸天及世人。一切衆生類無能知佛者。佛力無所畏。解脫諸三昧。及佛諸餘法。無能測量者。初一偈。總頌二佛實智。第二偈。總頌二佛權智也。諸餘法者。指化他權實。卽以自行而爲化他。從一法中。開出無量。所有方便。無不卽權卽實。故亦無能測量。

本五二合頌二佛釋歎結歎

0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

本從無數佛具足行諸道。甚深微妙法。難見難可了。於無量億劫行此諸道已。道場得成果。我已悉知見此頌上兩章釋結之意。而文字變化不必句句分配。蓋謂甚深微妙之權實二法。最爲難見難了。由我與諸佛本從無數佛所。具足盡行無量道法。於無量劫行此道已。乃坐道場得成佛果。故能悉知悉見此權實微妙法也。無量劫具足行道故。權智滿道場成果故。實智滿此亦約因果而論權實也。

初頌寄言歎二智竟

辛二頌絕言歎二智爲三。初頌釋止歎意。二正頌絕言歎三追頌絕言境。壬今初

如是大果報種種性相義。我及十方佛乃能知是事。此頌唯佛與佛乃能究盡諸法實相等也。先舉果報之後次舉性相之初。中間例知大果報者。卽妙果報種種性相者。卽百界千法差別不同義者。卽究竟等也。

壬二正頌絕言歎

是法不可示。言辭相寂滅。諸餘衆生類。無有能得解。

除諸菩薩衆信力堅固者

此正頌止不須說之旨也。是法卽諸佛二智所照
權實妙境。所謂不可思議百界千如諸法實相也。
實相非方所。故不可示。非言語道故言辭相寂滅。
佛雖能說此不可說法而衆生無能得解。故止不
須說也。然旣旣無能得解則是法將終不可傳乎。故
曰。除諸菩薩衆信力堅固者。庶幾能得解耳。信力
堅固指圓教十信也。以下正廣明諸餘衆生皆不
能解。

諸佛弟子衆。會供養諸佛。一切漏已盡住是最後身。
如是諸人等其力所不堪。假使滿世間。皆如舍利弗。
盡思共度量。不能測佛智。正使滿十方。皆如舍利弗。
及餘諸弟子。亦滿十方刹。盡思共度量。亦復不能知。
辟支佛利智無漏最後身。亦滿十方界。其數如竹林。
斯等共一心。於億無量劫。欲思佛實智。莫能知少分。
新發意菩薩。供養無數佛。了達諸義趣。又能善說法。
如稻麻竹葦。充滿十方刹。一心以妙智於恒河沙劫。
咸皆共思量。未能知佛智。不退諸菩薩。其數如恒沙。

一心共思求亦復不能知。初六句揀漏盡弟子不知。次四句揀舍利弗不知。第三有六句揀餘大弟子不知。第四有八句揀辟支佛不知。支佛逆順觀十二因緣故名利智。佛實智者自行權實俱名爲實也。第五有十句揀發心菩薩不知。或指六度三祇未斷惑者。或指通別二教發心之人。彼于當教各能了達四諦義趣。依之發于四弘誓願各能敷演當教道法。展轉聖前皆稱妙智。如藏教以超過世間名妙。通教以了達卽

空爲妙。別教以仰信中道爲妙也。第六有四句揀不退菩薩不知。通教斷界內惑雖得不退不知中道別理。別教三賢雖得位行不退不知中道具一切法卽一切法。

(王)三追頌絕言境

又告舍利弗無漏不思議甚深微妙法我今已具得唯我知是相。十方佛亦然。

此正頌無量無邊未曾有法佛悉成就也。最後二句亦是重頌唯佛與佛乃能究竟諸法實相等無

漏者純一實相。實相之外無餘法也。不思議者。心行處滅。言語道斷也。甚深微妙者。唯是諸佛所證契也。又依無漏義故。前於十如約十法界釋。十界十如。收諸凡聖理性。無漏失收。三諦無漏失。權實智無漏失也。依不思議義故。前於十如約開合釋。卽權而實。卽實而權。故不可思議也。依甚深微妙義故。前於十如約佛法界釋。依唯我知是義故。前於十如約位釋。二並可知。初略開顯中。初長文重頌歎佛二智竟。

(巳)二偈頌正略開顯動執生疑二。初明諸佛顯實。

二明釋迦開三互明一邊耳

(庚)今初

舍利弗當知。諸佛語無異。於佛所說法。當生大信力。世尊法久後。要當說真實。

諸佛語無異者。此顯諸佛化道是同。次兩句勸信。後兩句正顯實。可見從前所說皆非真實。所以破昔之執。生今之疑。下文將非魔作佛。正由聞此語也。佛旣實語。勸信何事。翻疑爲防。因疑起謗。故須勸信耳。

(庚)二明釋迦開三

告諸聲聞衆。及求緣覺乘。我令脫苦縛。逮得涅槃者。佛以方便力。示以三乘教。衆生處處著引之令得出。初一偈。正舉昔日所施之三。聲聞爲小乘緣覺爲中乘。三祇六度脫諸苦縛。逮得涅槃者爲大乘也。次二句。正斥皆是方便假說。一總非實。後二句。釋出施三之意。引令出蕃不得已耳。初略開顯竟。

(戊)二騰疑請二。初敘疑。二請決

(己)初中二。初經

家叙。二正生疑

(庚)今初

爾時大衆中。有諸聲聞漏盡阿羅漢。阿若憍陳如等千二百人。及發聲聞辟支佛心比丘。比丘尼。優婆塞。優婆夷。各作是念。

上斥三乘皆是方便。今敘疑但在二乘者。以其執重疑深。故偏舉也。若下文陳疑中。卽云求佛諸菩薩。大數有八萬等。故知三乘僉疑。

(庚)二正生疑

今者世尊。何故慇懃稱歎方便。而作是言。佛所得法。甚深難解。有所言說意趣難知。一切聲聞辟支佛所。

不能及。佛說一解脫義。我等亦得此法。到於涅槃。而今不知是義所趣。

何故言佛所得法甚深難解。是疑佛實智。何故言有所言說意趣難知。等是疑佛權智。以佛昔說三乘智慧同證不差。但餘習有盡不盡耳。今忽稱歎如來三智非我所及。是以生疑也。佛說一解脫義下。是自疑所得三乘聖道是真出要。我修此理亦到涅槃。而今忽言皆是方便未知何者真實。故言不知是義所趣。初叙疑竟。

(巳)二請決中。文有三請二止。并前文爲三止。初止

爲理深難解。初請爲自他求決。次止爲驚疑不信。次請爲久植必解後止爲謗必墮惡後請爲

利根得益。或佛豫知三周得益前後不俱。故三抑俟其三請也。

(庚)第一請爲二。初長文二偈頌

(辛)初長文二初陳疑二陳請

(壬)今初陳

外自疑疑二智也。

爾時舍利弗知四衆心疑。自亦未了。而白佛言。世尊。何因何緣。慇懃稱歎諸佛第一方便。甚深微妙。難解。

之法

(王)二陳請陳已請衆請也

我自昔來未曾從佛聞如是說。今者四衆咸皆有疑。惟願世尊敷演斯事。世尊何故慇懃稱歎甚深微妙難解之法。

(辛)二偈頌五初頌疑二智。二頌三乘四衆疑。三頌自疑四頌佛子疑五總明同疑請 (王)今初爾時舍利弗欲重宣此義而說偈言

慧日大聖尊久乃說是法。自說得如是力無畏三昧。

禪定解脫等不可思議法。道場所得法。無能發問者。我意難可測。亦無能問者。無問而自說。稱歎所行道。智慧甚微妙。諸佛之所得。

是法指實智。力無畏等。指權智。道場所得。指自行。權實。我意難測。指化他權實。以是同體方便故難測也所行道結自行權。佛所得。結自行實。無問自說。即結成化他意也。苟非欲以自行化他。何故無問自歎。

(壬)二頌三乘四衆疑

無漏諸羅漢及求涅槃者。今皆墮疑網。佛何故說是。

其求緣覺者比丘比丘尼諸天龍鬼神及乾闥婆等。
相視懷猶豫瞻仰兩足尊是事爲云何願佛爲解說
初句明小乘第二句明六度大乘次偈明中乘及
四衆等

(王)三頌自疑於諸聲聞衆佛說我第一我今自於智疑惑不能了。
爲是究竟法爲是所行道

究竟法果也所行道因也上文佛斥所示三乘皆
是方便今疑三乘各有因果依教修證未嘗有謬。

若云方便非真實者爲是所證果非實耶爲是所

行因不真耶

(王)四頌佛子疑

佛口所生子合掌瞻仰待願出微妙音時爲如實說
此指通別二教菩薩有疑若不疑者何故合掌瞻
仰待耶

(王)五總明同疑請

諸天龍神等其數如恒沙求佛諸菩薩大數有八萬
又諸萬億國轉輪聖王至合掌以敬心欲聞具足道

第一請竟

(庚)第二止恐懷疑故

爾時佛告舍利弗。止止不須復說。若說是事。一切世間諸天及人。皆當驚疑。

(庚)第二請。騰宿根利。故不懷疑

舍利弗重白佛言。世尊。惟願說之。惟願說之。所以者何。是會無數百千萬億阿僧祇衆生。會見諸佛。諸根猛利。智慧明了。聞佛所說。則能敬信。爾時舍利弗欲重宣此義。而說偈言。

法王無上尊。惟說願勿慮。是會無量衆。有能敬信者。
(庚)第三止護增上慢故

佛復止舍利弗。若說是事。一切世間天人阿修羅。皆當驚疑。增上慢比丘。將墜於大坑。爾時世尊重說偈言。

(庚)第三請。述饒益者多。世世受化。不起上慢。
止止不須說我法妙難思。諸增上慢者。聞必不敬信。

爾時舍利弗重白佛言。世尊。惟願說之。惟願說之。今此會中。如我等比百千萬億。世世已曾從佛受化。如

此人等必能敬信。長夜安隱多所饒益。爾時舍利弗欲重宣此義而說偈言。

無上兩足尊。願說第一法。我爲佛長子。惟垂分別說。是會無量衆。能敬信此法。佛已曾世世教化如是等。皆一心合掌。欲聽受佛語。我等千二百及餘求佛者。願爲此衆故。惟垂分別說。是等聞此法。則生大歡喜。初略開三顯。一動執生疑竟。

(丁)二廣開三顯。一斷疑生信。凡有三周。初從此文至第二卷中盡廻向佛道。是法說一周。上根得

悟。次從爾時舍利白佛言。我今無復疑悔。乃至授記品。是譬說一周。中根得悟。三化城喻等三品。是因緣說一周。下根得悟。亦名理事行三周。今以十義料簡。一有通有別。二有聲聞無聲聞。三惑有厚薄。四根轉不轉。五根有悟不悟。六有領解無領解。七有得記不得記。八悟有淺深。九益有權實。十待時不待時。一明通別者。初周別名法說。通則具三。如優曇萃時一現耳。卽譬說也。若我遇衆生盡教以佛道。卽因緣說也。第二

10

1 2 3 4 5 6 7 8 9 10 1 2 3 4 5 6 7 8 9 10

周別名譬說。通亦具三。我先不言皆爲一佛乘。故又於一佛乘分別說三。卽法說也。長者聞已。驚入火宅方宜救濟。卽因緣說也。第三周別名宿世因緣通亦具三。涅槃時到衆又清淨。令入佛慧節法說也。有一導師卽譬說也。今從多從正從略從旁。欲令名字不濫。故置通取別耳。二明有聲聞無聲聞者。光宅謂定有實行聲聞。若言無實權何所應。開善謂定無實行聲聞。引勝鬘經。三乘初業不愚于法。外凡已知一乘。寧有

二乘猶執小果。經明有者權耳。此二家偏執乖經失義。若定有者經邢言但化諸菩薩。無聲聞弟子。若定無者誰入化城。亦無三可會。權何所引。難曰。若言實有聲聞爲權所引者。亦應實有三藏佛爲權三藏佛所引。若實無三藏佛。但有權佛者。何意不許。但有權聲聞無實聲聞耶。答曰。此義不例。實有斷界內惑者呼此爲實聲聞而權者應之。何處有但斷界內惑之佛。而有權佛應此佛哉。今明有無不可偏執。若從長者實

智往觀。則無客作人。若就窮子根性。則便自謂作人。法華論明四種聲聞。一決定。二上慢。三退大。四應化。前二未熟。不與授記。後二與記。若依今經。則應有五。一者久習小乘。今世道熟。聞小教證果。與論中決定聲聞同。二者本是菩薩。積劫修道。中間疲厭生死。退大取小。大品經中稱爲別異善根。佛且成其小道。爲說共般若。令其斷結取果。是退大未久。習小來近。理應易悟。與論中退大聲聞同。三者以此二故。諸佛菩薩內

秘外現。成就引接令人入大道。與論中應化聲聞同。四者由見權實兩種聲聞能出生死。因而欣樂涅槃。修戒定慧。微有觀慧。未入似位。薄有所得。謂是證果。此名未得。謂得未證。謂證。與論中上慢聲聞同。五者大乘聲聞。卽是以佛道聲令一切聞也。若約決定退大兩種。卽有聲聞。若約大乘理。無灰斷。不住化城。終歸寶所。實者旣爾。則無有權。故無聲聞。若增上慢人。旣未入位。故不名實。又非應化。故不名權。苟得此意。有無冷

然。何須苦諍。復次祇就佛道聲聞復論有無。若權作應化。外現小迹。內隱大德。則謂無大乘聲聞。若從自行發迹顯本。則言有大乘聲聞。今開權顯實。正爲引決定退大二種聲聞。令成大乘聲聞。自行既立。卽能爲應化聲聞。若得此意。則達有無也。三明惑有厚薄者。約無明別惑。及約大乘根性言也。卽爲四句。一惑輕根利。二惑重根利。三惑輕根鈍。四惑重根鈍。若別惑輕大根利。初聞卽悟。若惑重根利。再聞方悟。若惑輕根

鈍。三聞乃悟。若惑重根鈍。雖復三聞。不能得悟。止爲結緣衆耳。或可初兩句根利。同爲上根。第三句爲中根。第四句爲下根。或可初句爲上根。第二第三兩句合爲中根。第四句爲下根。復次約初品無明有三重能覆初住中道。初作法說。上根人聞。三重無明一時俱盡。開佛知見。入菩薩位。得菩提記。中根僅斷二重。下根僅斷一重。次作譬說。中根斷第三重盡。開佛知見。得菩提記。下根進斷第二重。後作因緣說時。下根斷三

重盡得菩提記也。四明根轉不轉者。舊云。上根初聞法說。卽悟。而中根轉同上根。下根轉同中根。至譬說時。中根前已成上。卽能得悟。下根前已成中。今轉同上。至因緣說時。下根先已成上。所以得悟。今謂若爾。則悟者皆是上根。何名三根。若皆曰上根。何名利鈍。夫衆生心神不定。遇惡緣則轉利爲鈍。遇善緣則轉鈍爲利。先世值佛聞法。自有轉下中爲上者。俱於法說得悟。自有轉下爲中者。俱于譬說得悟。自有先世未轉。

者須待三周方悟。如此轉根。不同舊釋。譬如三刀斫木。利刀一斫卽斷。中者二斫斷。鈍者三斫斷。利鈍之名不失。木斷之處是同。刀譬根。木譬惑。執刀者譬機。教研者譬佛。受教者譬聞法。運刀譬用觀。木斷譬證入。曾磨譬先世根轉。遇磨不同。故有利鈍。此中聞法得悟。似屬信行。非不兼于法行。由于往世信法廻轉。相資不同故也。然一坐中。應無六十四番問。三根入初住位。猶有利鈍否。答。真修體顯。則無差降。問。若爾。則初

住已上更起緣修。有優劣否。答此同位人無復勝負。真修體融寧得有異。五明根有悟不悟者。經中多明菩薩爲上根。緣覺爲中根。聲聞爲下根。若爾。菩薩皆應初周得悟耶。義未必然。始自三周乃至流通壽量。有諸菩薩節節得悟。無生忍者。何得局在法說周也。緣覺不局在譬說周亦可知。問菩薩得悟通於始終。二乘得悟亦應至後答。三周定父子天性已竟。則皆名菩薩。設在後悟同名菩薩悟也。六明有領解無領解者。

若三乘同悟。何意但見聲聞領解。其二則無。今明無佛世出名獨覺。聞佛說因緣法得悟名緣覺。如大迦葉舍利弗等。悉是中乘根性。旣入聲聞數中。得悟領解不異。菩薩無領解者。聲聞教中。不明得佛。今經開其歸大之路。自恐解謬。故對佛述解。菩薩不爾。故無領解。又其意有三。一菩薩本意求佛。設有異執。而執輕。終歸取佛。無有不得之慮。今聞三周之說。但是正其觀慧。故不須領解。二菩薩悟大。處處有文。二乘作佛。始

自今教。逐要流傳。故略菩薩領解。梵文或有漢
略不書耳。三菩薩位行深絕。諸新小菩薩。不敢
領解。說壽量竟。彌勒總都領解。初從無生法忍
終訖餘一生在。則是具足領解。更求何物。七明
得記不得記者。若同皆領解。何故聲聞得記。不
見緣覺菩薩受記。此亦三意。一者昔明二乘入
正位者不能發心。何由得記。今既悟大。欣斯別
決。故爲記劫國也。菩薩發心求佛。行滿自成。故
不欣急求。佛亦不促授。又前教處處授菩薩記。

此是恒說。今但逐要傳譯。二菩薩亦有記別。調
達龍女豈非記耶。又法師品云。求聲聞者求辟
支佛者求佛道者。如是等類。咸於佛前聞法華
經我皆與授三菩提記。此豈非皆記耶。三二乘
昔來未曾得人相記。故記其劫國。菩薩先已曾
記。故不重明耳。淺近之記。初住已得。菩薩所欣
乃圓極妙。覺遠記。故壽量品中。始從發心訖一
生得妙因。斯滿極果頓圓。此乃授法身記。何謂
無記耶。問。若小乘旣悟大道。應同授法身記。那

得授八相記答。八相是應記。既得應記。知必有本。欲使物知聞。共來結緣。故與應記耳。又此二乘若聞壽量。卽同增道損生。得法身記也。八明悟有淺深者。一往同破無明。入圓初住。細尋必應明晦。初聞法說。旣入佛慧者。更聞譬說。豈不重明。又聞因緣理。必增進。更聞壽量。彌復優深。如聽法人。重聞則勝前。如寒得衣。單複分厚薄。九明益有權實者。或云實行得益。權行正爲接引影響。不論其益。今明不爾。若至壽量。權實悉

得益。增道彌高。損生彌盡。鄰圓際極。唯一生在。豈非權者益耶。所以初爲影響。共熟實行。後說極果。則自道明。文云。出入息利。乃徧他國。息利在已。卽是已利。實行得益。由於權引。化功歸已。權亦得益。故佛以一音演說法。衆生隨類各得解。又何必須待壽量。方令權得益耶。地涌菩薩云。我等自亦欲得此真淨大法。卽是自益也。十明待時。不待時者。爾前未悟。必待法華悟者。名爲待時。前教已悟者。名不待時。何以故。佛有顯

密二說。若約顯說。則法華之前。二乘未悟大道。要須五味調熟。會在法華。故云所以未曾說。說時未至故。今正是其時。決定說大乘。此卽待時也。若約密說。未必具待五味在法華方會。爾前有密入者。名不待時。此乃大判時不時。若就三周亦是待時不待時。迹本二門。亦是待時不待時。致有前後悟入也。三周之中。自論密者。如法說時。密聞大車及大通事而得悟入。卽不待時。中周密聞。準此可知。問。若三周及本有密說者。

玄文那云。法華唯顯答言。顯密者。爾前偏圓。互不相知。今至此經。同入一圓。雖密而顯。純一味故。但於一座有待。不待然知彰灼授記二乘。顯露分明。說壽長遠。於茲一座。無不聞知。故名爲顯問。有一種根性。于前四時。旣無密益。不至法華。復無顯得。二時不攝者。應是失時。永不得悟耶。答。餘經或謂此爲失時。今經不爾。此人雖于密顯兩時。不悟生滅度想。入于涅槃。而于彼土得聞是經。故無失時。乃是待彼土之時耳。問。五

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

千起去應是失時答此等應於如來滅後弘經人處受益亦是待時也十義料簡三周竟

(戊)初法說周爲五初正法說二身子領解三如來述成四與授記五四衆歡喜 (己)初中二初長

文二偈頌 (庚)初中三初許二受肯三正說

(辛)初又三初順許二誠許三揀許 (壬)今初

爾時世尊告舍利弗汝已慇懃三請豈得不說
汝已慇懃是順豈得不說是許也

(壬)二誠許

汝今諦聽善思念之吾當爲汝分別解說
上二句是誠後一句是許也諦聽是聞慧善思是
思慧念之是修慧大經云一者親近善友二者聽
聞正法三者思惟其義四者如說修行惟此四法
是涅槃因若言苦行是涅槃因無有是處一善知
財識謂如來也後之三句即是三慧故佛誠之是涅
槃近因緣也

(壬)三揀許

說此語時會中有比丘比丘尼優婆塞優婆夷五千

人等。卽從座起禮佛而退。所以者何。此輩罪根深重。及增上慢。未得謂得。未證謂證。有如此失。是以不住世尊。默然而不制止。爾時佛告舍利弗。我今此衆無復枝葉。純有貞實。舍利弗。如是增上慢人退亦佳矣。汝今善聽。當爲汝說。

從初至退亦佳矣。是揀汝今善聽。是許也。五千在座。故如來三止。今將許說威神遣去。故名揀衆。五濁障多。名罪重。執小翳大。名根淺。未得三果。謂得三果。未證無學。謂證無學。如悞認四禪。以爲四果。

等。名增上慢。有如此失者。謂障執慢三失也。默不制止者。上聞略開三顯。一言簡義隱。猶未生謗足。爲繫珠因緣。去則有益。若聞廣開三顯。一乖情起謗。住則有損。是故不制止也。無復枝葉者。枝葉細末。不任器用。此等執方便之方便。小乘四果已是方便。更于煖頂爲極於大非器。故大品經云。攀枝附葉。棄于根本。是人爲不點。卽此義也。退亦佳矣者。旣以小自翳復妨他大光。今退無謗法之愆。復無障他之過。故云佳矣。枝葉未去。故如來三止。貞實願聞。故身子

四請師弟鑒機非徒斬固也。問。佛大慈悲何不神力使其住而不聞。如華嚴中之二乘聾瘡。何不強毒以大如喜根之於勝意答。各有所以。華嚴末席正已開漸。未破小執。故在座而隔。今正欲滅化破菴。宜須揀遣。若去在俱謗。宜如喜根強說。今去則有益。那忽令住。住則有損。那忽不遣。喜根令遠得益。慈故強說。與其樂種。如來護令不謗。悲故發遣拔其當苦。問。五千在座。卽不蒙益。去則何益。答。此非當機。是結緣人耳。昔大通佛時。亦有無量衆生。

妙心生疑惑。世世與師俱生。今皆得度。乃至如來滅後。猶故未盡。此五千人。當知亦爾。又說大經時。有八萬五千億人。於是經中不生信心。是人于未來亦當得信。例此則益在不久也。初許竟。

(辛)二受旨

舍利弗言。唯然世尊。願樂欲聞。

前已三請。并此爲第四請。

妙法蓮華經台宗會義卷之一

優婆夷傳照連捐貲四兩五錢刻法華一品
奉薦先嚴李畢七繼父傅希祥先慈吳氏
法名傳值願同生淨土速證菩提

余沐染有聲樂曲尊風樂譜

本當與諸侯俱盡
人萬五千餘人
大將軍不許
計以是不若
急擊之
去壘北正
東人皆吸
氣而走
大將軍
令皆擊鼓
行至吸氣
城下

妙法蓮華經台宗會義卷一之四

古吳後學薄益智旭述

是人略。但開三顯。一是義略。此中章句多是文廣。明五佛是人廣。明六番是義廣。六番者。一歎法希有。二說無虛妄。三開方便。四示真實。五舉五濁釋權。六據僞敦信。歎法令生尊重。說無虛

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

妄止其誹謗。開方便使莫執小示真實使其悟大舉五濁示必施三揀僞要必真實於五佛章中。一應備六義而前後互出不具足者蓋如來巧說使略而無缺詣而不煩文耳。又六義前後亦復無在。生起宛然大體隨時以此六義共成開顯大旨如三世佛但各二章豈非極略而開顯無缺令權詣實略却四章令文不繁詣者至也前後無在者六章之要莫若財開顯前後互無在餘四章但義存六共成一意不必次第也 (子) 初四佛章爲二初總明諸佛二列三世佛 (癸) 初中但四初歎法希有二說無虛妄三開方便四示真實。

缺二義者指後文也

(子) 初

佛告舍利弗如是妙法諸佛如來時乃說之如優曇鉢華時一現耳

此中法譬雙歎諸佛若出五濁必先開三如今世尊四十餘年始顯真實久久稀疎故言時乃說之久不說者爲人不堪故時未至故五千未遣故今人已堪時已至五千已去決定說大乘故言時乃說之優曇華此云靈瑞三千年一現又現則金輪王出表三乘調熟已後方說妙法授法王記又偈

60 1 2 3 4 5 6 7 8 9 10

1 2 3 4 5 6 7 8 9 10

1 2 3 4 5 6 7 8 9 10

跨酪及二酥三味乃說醍醐也。觀心釋者卽中妙觀通一切法至實相名爲靈靈卽靈通。有此觀故必獲佛記名爲瑞出有此觀方得佛果名爲華

子二說無虛妄

舍利弗汝等當信佛之所說言不虛妄

此理至淡與昔權理異。此言至妙與昔權言反。此行至普與昔權行乖。此人至勝勝於昔劣。還指客作四種之粗而今皆妙。恐物疑謗故先勸信令信無虛妄人說無虛妄法也。

子三開方便三初開二釋三結 丑今初

舍利弗諸佛隨宜說法意趣難解

隨三種機宜巧說方便而佛意在實人莫能解也
丑二釋

所以者何我以無數方便種種因緣譬喻言辭演說諸法妙文妙語深入心地其妙甚矣。二釋出世間三重云舉今佛之權能釋諸佛之方便巧慧同故借此釋彼當知諸佛開權亦如我也。蓋裏參音解毫端之

丑三結

是法非思量分別之所能解。唯有諸佛乃能知之。此結成開權之意趣難解也。蓋稟教者固不謂三唯有諸佛乃知一耳。此文兩向。若作示真實者。卽屬後文初標勝人法也。無分別法。唯佛能知。佛以無分別智解知無分別法。故是顯實。

(子)四示真實五初標勝人法。二標出世意。三重示四正釋。五總結。初文如前。⑤二標出世意。所以者何。諸佛世尊。唯以一大事因緣故出現於世。釋此爲兩。初總次分字。初總者。承上文言。何故是

法非思量分別所解。唯有諸佛乃能知耶。良以諸佛覺如實之相。乘此實道。出應於世。祇令衆生得此實相。更無他事。實相無相。微妙第一。故非思量分別所能解也。次分字釋者。一則一實相也。非三非五。非七。非九。故言一也。三卽三乘。五加人天。七加通二乘。九加通別菩薩。其性廣博。博三五七九等。故名爲大。諸佛出世之儀式。故名爲事。衆生有此機感。故名爲因。如來乘機而應。故名爲緣。是爲出世之本意。而先開三者爲一。弄引耳。如人欲取先當與之。雖說種種道。

60 1 2 3 4 5 6 7 8 9 10

1 2 3 4 5 6 7 8 9 80 1 2 3 4 5 6 7 8 9

法華會義四

四

其實爲一乘也。

(甲)三重示教名。於長髮出世之本意。而表開示舍利弗云。何名諸佛世尊。唯以一大事因緣故。出現於世。

將欲解釋更重微起以爲言端。又此大事佛所尊重。

如釋論中明父王欲多聞太子名。數數說之。無有厭足也。

(乙)四正釋。破古不錄。夫既顯實。則無量法皆一也。如玄義中十妙。則是十種一也。若略和舊解。且

作四。一言無量一者。一色一香。無非中道。此義可知。

言十一者。帖文整足。雖不次第。十義無減。是法非思量分別之所能解。是顯理一。唯有諸

佛乃能知之。是顯智一。唯以一大事者。一即是

理。大即是智。智能照境方達。事即是行。自行化

事。理發智。智導行。逐此義便。是顯行一。知見者

智知於理。眼見諦法。諦理無爲。則無分別。以無

爲法。而有差別。約此知見論。開示悟入。以略擬

廣。有四十位。是顯位一。又取結句明一。一卽法

身大卽般若。事卽解脫爲秘密藏。是顯三法一。
出現於世。顯感應一。但教化菩薩顯眷屬一。諸
有所作。顯神通一。唯以佛之知見示悟衆生。顯
利益一。但以一佛乘故爲衆生說法。顯說法一。
經文印義信如符契。今略和舊解作四一者。數
同義異。舊云果一。今言理一。依義依文。依義者。
若無理一。衆事顛倒。悉是魔說。非復佛經。故須
理一。依文者。文稱佛之知見。今取所知見。所見
卽諦所知。卽境境諦卽實相理。故名理一。舊云

因一語單義別。今云行一通收因果人一教一。
四名與舊同。文卽爲四。初明理一。二明人一。三明
行一。四明教一。
(寅)今初

諸佛世尊。欲令衆生開佛知見。使得清淨。故出現於
世。欲示衆生佛之知見故。出現於世。欲令衆生悟佛
知見故。出現於世。欲令衆生入佛知見道故。出現於
世。舍利弗。是爲諸佛以一大事因緣故。出現於世。
釋此理一。復爲四意。一約四位。二約四智。三約四
門。四約觀心。一約四位者。諦境不可知見。約于智

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

眼乃能知見。三智四眼不能知見。惟一切種智佛眼。則能知見。經云爲令衆生開佛知見。若偏語佛果。卽失衆生。若偏語衆生。則非佛知見。故不可偏取。前三教行人。雖是衆生。未得佛眼。佛智。故不能知見實相。圓教四位。亦是衆生。而分得佛眼。佛智。則衆生義成。佛知見義亦成。故寄此四位。以釋理一。如瑞相中天雨四華。表萬善同歸。得入四位乘。四位莖以趣佛果。故約位顯理也。開者。卽圓十住。初破無明。開如來藏。見實相理。何者。性德妙理。被

通別兩惑之所染著。難可了知。初心雖能圓信。
名位圓受。五品圓伏。十信位。而未能斷不名爲開。內加

觀行。外藉法雨。助破通別惑藏。顯出真修性。知見
朗然開發。如日出暗滅。眼目有用。故名爲開。緣修
破惑。故名使得清淨。仁王經云。入理般若。名爲住。
住於十住。白莖位也。示者。惑障旣除。知見體顯。體
備萬德。法界衆德。顯示分明。故名爲示。卽是十行
大白莖位也。悟者。障除體顯。法界行明。事理融通。
更無二趣。如理智。如量智。理量不二。故名爲悟。卽

十廻向赤華位也。入者事理既融。自在無礙。任運流注入于薩婆若海。如理如量通達自在。如量知見能持衆德。如理知見能遮諸惑。即是十地大亦華位也。然圓道妙位。一位之中。卽具四十一地功德。祇開卽具示悟入等。更非異心。但如理知見。無有分別淺深之相。欲顯如量知見故。分別四位耳。發心畢竟二不別。如是二心先心難。旣云難易。卽知初心與畢竟心應有明晦淺深之別。猶如月體初後俱圓。而有朔望之殊。四位知見皆明照實相。

而說開示悟入之異也。二約四智者。

名出般若彼通三教今唯

約圓一道慧見道實性。實性中得開佛知見也。二道

種慧知十法界諸道種別解惑之相。一一皆示佛

知見也。三一切智知一切法一相寂滅。寂滅卽悟

佛知見也。四一切種智知一切法一相寂滅相。種

種行類相貌皆識。卽入佛知見也。

智慧二字俱通

今但云道慧故約因約總加一種字故約因約別果約智上有二切三字故約果約總又加一種字故約別

別也。又道慧如理名開。道種慧如量名示。一切智

理量不二稱悟。一切種智理量雙照爲入。此亦約

60 1 2 3 4 5 6 7 8 9 10

1 2 3 4 5 6 7 8 9 10

實理無淺深中而淺深分別也。

如彼俗境數量。如于實理辨之。理量

相卽。非因果總別而論因果。總別四名便故初後理同。

三約圓教四門橫釋

四句者空門一空一切空卽開佛知見有門一有

一切有卽示佛知見亦空亦有門一切亦空亦有

卽悟佛知見非空非有門一切非空非有卽入佛

知見能通則四所通則一開示悟入是能通之門

所知所見乃所通之理也四約觀心釋者觀于心

性三諦之理不可思議此觀明淨名爲開雖不可

思議而能分別空假中心宛然無濫名爲示空假

中心卽三而一卽一而三名爲悟空假中心非空假中而齊照空假中名爲入是爲一心三觀而分開示悟入之殊也所以四種釋者見理由位位立由智智發由門門通由觀觀故則門通門通故智成智成故位立位立故見理見理故名爲理一也

雖云理一而門卽教一觀卽行一位卽人一此乃教行人三寄理以辨理既如是餘三例然釋義之妙無以加矣又前約位智則初住方得名開似乎凡夫絕分後約門約觀則名字初心造修有地况復衆生知見本來卽是佛知見體如冰體卽水但由惑障寒結舉水成冰苟信圓門觀心卽是則有名字開示悟入乃至究竟開示悟入豈得高推聖境百鄙無分又豈得妄計初心卽佛以凡濫極哉

此中約位。非豎而論豎。約門。非橫而論橫。約智。非亦橫亦豎。而論亦橫亦豎。約觀。非非橫非豎。而論非橫非豎。又復雙照橫豎。舍利弗下。卽結成理一義。昔方便教亦得各論開示悟入。而非佛知見。故是權。今明佛知見。故是實。實卽理一也。

(寅)二明人

佛告舍利弗。諸佛如來但教化菩薩。

就昔方便謂教化三乘。理實但化菩薩。如彼窮子。自謂客作賤人。長者觀之。實是已子。卽是人一

(寅)三明行一

諸有所作。常爲一事。唯以佛之知見示悟衆生。三乘衆行。名之爲諸。爲圓故。諸卽是一事。此行何所至到。唯趣佛之知見。卽是行一意也。

(寅)四明教一

舍利弗。如來但以一佛乘故。爲衆生說法。無有餘乘。若二若三。無般若中所帶之二。無三者。無方等中圓頓之教。各一佛乘。別教已去。皆名有餘之說。卽不了義。非一佛乘。無有餘乘者。無華嚴中所兼之別。無二者。無般若中所帶之二。無三者。無方等中

所對之三也。然上四文各有二義。初文若取能知見卽人一爲便。今取所知見則理一爲便。次文若取教化卽教一爲便。今取菩薩則人一爲便。第三文諸有所作。若就教主爲言。卽教一爲便。今就行人爲語。則行一爲便。第四文若取乘運之義。卽行一爲便。今取爲衆生說法。則教一爲便。不過逐便釋耳。四正釋竟。

(五)五總結

舍利弗。一切十方諸佛法亦如是。

此句總結四一。文簡義長。何以言之。序中因光橫見萬八千土。文殊引古豎明。二萬諸佛無不爲實。施權開權顯實。皆與今佛出五濁世其意是同。固不待言。至于一切十方。刹海無盡。世界淨穢。差別無盡。諸佛出世。亦有純說大者。亦有純說小者。純說太則不必施三。固是四一。純說小則不得顯實。而久久之後。究竟亦無不還成四一者。但非可以劫數久近計之。非可以等覺已下諸神通天眼測之耳。下文開迹顯本。如來三世化功若此。此而不

信妄得名隨喜哉。初總明諸佛竟

癸二列三世佛爲三。初過去佛。二未來佛。三現在

佛。此中應具六義。但出二種。一開方便。二顯真

實。兩則指上。兩則指下。歎法希有說無虛妄指前總章舉五獨釋權操

僞敦信指後釋迦章

子初過去佛

舍利弗。過去諸佛以無量無數方便種種因緣譬喻言辭。而爲衆生演說諸法。是法皆爲一佛乘故。是諸衆生從諸佛聞法究竟皆得一切種智。

無量無數方便等。是開權。是法皆爲等。是顯實。爲

一佛乘。卽教一。衆生卽人一。能得種智卽行一種智所知。卽理一。

子二未來佛

舍利弗。未來諸佛當出於世。亦以無量無數方便種種因緣譬喻言辭。而爲衆生演說諸法。是法皆爲一佛乘故。是諸衆生從佛聞法究竟皆得一切種智。

子三現在佛

舍利弗。現在十方無量百千萬億佛土中。諸佛世尊多所饒益。安樂衆生。是諸佛亦以無量無數方便種

種因緣譬喻言辭而爲衆生演說諸法。是法皆爲一

佛乘故。是諸衆生從佛聞法。究竟皆得一切種智。舍利弗。是諸佛但教化菩薩欲以佛之知見示衆生故。

欲以佛之知見悟衆生故。欲令衆生入佛之知見故。現在佛正是化主故。先標出世之意。次明開權顯

實。後結成開示悟入也。少開句者。但是文略。初四

佛章竟

⑤二釋迦章廣上釋迦權實。于六義中無歎法希

一有。但有五文。初開權。二顯實。三舉五濁釋方便。

四揀僞敦信一實。五明無虛妄。

⑥今初

舍利弗。我今亦復如是。知諸衆生有種種欲。深心所著。隨其本性。以種種因緣譬喻言辭。方便力而爲說法。

先三後一。如四佛不異故。言亦復如是。種種欲等者。五乘根性欲也。過去名根。以能生爲義。現在名欲。以取境爲義。未來名性。以不改爲義。深心所著者。宿習難轉。即是根也。方便者。即是隨宜所開。三乘權法。此中感應相對。衆生種種根性欲感也。我

60

70

1

2

3

4

5

6

7

8

9

80

1

2

3

4

5

6

佛知之。以方便力而爲說法應也。

(癸)二顯實

舍利弗。如此皆爲得一佛乘一切種智故。

(癸)三舉五濁釋方便三。初標意。二舉五濁。三結釋

(子)今初

舍利弗。十方世界中尚無二乘。何況有三。

將舉五濁先標其意。上已說諸佛開權顯實。未明隱實施權。今明稱實而觀。則十方世界無非法界。真如妙理。尚無別教之二。何況有藏通別教之三。

別教名二乘者。中道迴曲二邊。不卽二邊。是中與邊爲二。故名爲第二乘也。別教之二。已不可得。況有通及藏教。與別共成三種權耶。特以出五濁世。不得不隱一實施三權耳。

(子)二舉五濁

舍利弗。諸佛出於五濁惡世。所謂劫濁。煩惱濁。衆生濁。見濁。命濁。

劫者時也。時無實法。依於色心分位假立。今言濁者。謂四濁增盛。聚在此時。故下文云劫濁亂時也。

煩惱濁者。通而言之。五住三惑。皆名煩惱。今且以界內五鈍使爲煩惱濁。所謂貪瞋癡慢疑也。衆生亦無別體。依于色心五陰。立此假名。今言濁者。由見煩惱所感。粗弊色心。果報醜劣。故名衆生。濁也。見濁者。通而言之。界內界外諸分別惑。皆名爲見。今且以界內五利使爲見濁。所謂身邊戒見邪也。命根亦無實法。依于識種之上。一分連特色心。不斷功能假立。今言濁者。惡異熟業所感。識種能令色心住持短促。故名爲命濁也。若約因果相由。則

以見煩惱爲因。感於三界色心爲果。依果立衆生名。依衆生一期生死立命根名。依此四法。皆濁立劫濁名。若依諸經次第。則劫濁居初。見煩惱衆生命如次列後。今文不次。義亦無在。問此與大佛頂經所明五濁爲同爲異。答。大佛頂經五濁該于九界。惟佛爲清。此經所舉五濁。局在穢土減劫。不約淨土。不約增劫。問此經最妙。所舉五濁。何反淺耶。答。此明諸佛隱實施三。由於出五濁世。事不獲已。正顯善權方便不可思議。何得以大佛頂經爲並。

彼經別爲一類利根。直開圓解耳。問。五濁若能障太華嚴經中未除濁而聞悟何也。答。此應四句分別。一大乘根利障重。以根利故。重障不能障。此土華嚴初聞大乘者是也。二根利障輕。他方淨土頓聞大乘者是也。三根鈍障輕。他方淨土先聞三乘後悟一乘者是也。四根鈍障重。此土聞漸除濁。方聞大乘者是也。問。五濁亦障小否。答。就小亦應四句分別。一小乘根利障輕。濁不能障。如舍利弗大迦葉等。二小乘根利障重。濁亦不能爲障。如阿含

經央掘魔羅。三小乘根鈍障輕。濁亦不能爲障。如般陀比丘。四小乘根鈍障重。此則成障。佛世不聞小乘不得度脫者是也。問。自有不在華嚴。不在三藏。而得聞大聞小者何也。答。此應約四教總作四句。又約四教各作四句。總作四句者。根利障輕。隨於何時宜聞圓教。根利障重。隨於何時宜聞別教。根鈍障輕。隨於何時宜聞通教。根鈍障重。隨於何時宜聞藏教。佛以口密而隨應之。令其得益。各作四句者。四教各有四門。根利障輕者。聞非空非有。

60 1 2 3 4 5 6 7 8 9 10 1 2 3 4 5 6 7 8 9

門入也。根利障重者聞亦空亦有門入也。根鈍障輕者聞空門入也。根鈍障重者聞有門入也。統而言之。不論有障無障貴在有根有乘種耳。障由破戒種由熏習。根由宿習有利有鈍。致今值佛悟有待時不待時也。若宿無乘種未植出世善根。縱令障輕耽樂不悟。四句不收。四門不攝。可奈何哉。問五濁一往何故障大而不障小。約初四句中之第四句問。答。衆生濁重妄計五陰而爲四德。障重也若聞大乘常樂我淨。卽執非爲是。根鈍也舊醫頑騃。不知乳之好惡。

不識藥也不知病起根源。不識病也不知藥餌開遮。不知授藥法也無所知曉。故濁障大也。文云。若但讚佛乘。衆生深在苦。卽此義也。若聞無常苦無我不淨。卽厭生死欣涅槃。破邪計執。故五濁不障小。文云。作是思惟時。十方佛皆現梵音慰喻我。卽此義也。

子三結釋。未詳。其三結釋。參見妙文。如是舍利弗。劫濁亂時。衆生垢重。慳貪嫉妒。成就諸不善根故。諸佛以方便力。於一佛乘分別說三。

初句卽劫濁。次句卽衆生濁。慳貪嫉妒。卽煩惱濁。

60 1 2 3 4 5 6 7 8 9 10 1 2 3 4 5 6 7 8 9 10

及見濁。成就諸不善根。卽命濁也。設非曲垂方便。何以引出苦輪。三舉五濁釋方便竟。

(辛)四揀僞。敦信一實。若佛弟子。自能信解。若不信解。非真弟子。亦非羅漢。敦逼時衆。令信受也。文二。初揀真僞。二。開除釋疑。申子初又。二。初若不聞。不知非真弟子。三。若聞不信受。是增上慢。

(壬)今初。若我弟子。自謂阿羅漢。辟支佛者。不聞不知。舍利弗。若我弟子。自謂阿羅漢。辟支佛者。不聞不知。諸佛如來。但教化菩薩事。此非佛弟子。非阿羅漢。非

辟支佛

如世弟子。隨順師法。繼道傳燈。今不聞不知。則無法可順。何謂弟子。如來昔爲治五濁故。方便施三。汝得聞得知。隨順修習。名爲弟子。今五濁旣除。爲汝顯一。何意不聞不知。不聞卽不聞教一。不知卽不知行一。非弟子卽非人一。總迷於理一也。

(癸)二。若聞不信受。是增上慢。又舍利弗。是諸比丘。比丘尼。自謂已得阿羅漢。是最後身。究竟涅槃。便不復志求阿耨多羅三藐三菩提。

當知此輩皆是增上慢人。所以者何。若有比丘實得阿羅漢。若不信此法。無有是處。

佛設二乘。原爲五濁障重。暫令息苦。故權說見思斷盡名阿羅漢。不受三界後有名最後身。出同居土分段苦輪。名爲涅槃。然使實得阿羅漢道證有餘脫。今聞此經。便應信受。進求無上菩提。何以故。濁障旣除。又得聞此大法。則當審自籌量。無明別惑。尚在何名羅漢。變易生死。浩然何名後身。化城未是寶所。何名究竟涅槃。故實得阿羅漢者。未有

不信佛說此法者也。倘自以爲足。不復志求菩提。當知并未證阿羅漢。但是增上慢耳。初揀真僞竟。子二開除釋疑。又二。初開除。二釋疑。(五)今初除佛滅度後。現前無佛。所以者何。佛滅度後。如是等經受持讀誦解義者。是人難得。

恐有問曰。若爾。則一切羅漢。皆必志求無上菩提耶。故今開除之曰。除佛滅度後。現前無佛。則彼稟權說證羅漢者。未必卽能志求菩提。又有問曰。佛雖滅度。此經住世。彼何不信。故今釋曰。所以者何。佛

滅度後經雖住世。而受持讀誦解義之人難得。不遇其人則小果聖者安能自決了哉。下闋曰。若遇餘佛於此法中便得決了。計公志求無上菩提。恐有疑曰。若佛滅後。諸阿羅漢不遇此經。不遇受持讀誦解義之人。則當永入小涅槃耶。故今釋曰。是人雖作滅度之想。入于涅槃。而生方便有餘國中。仍得遇佛爲說此法。便得決了化城非實。還必志求無上菩提。斷無永入涅槃之理也。故大智度論釋畢定品云。羅漢身必應滅。住在何處具足佛道。答。出三界外有淨佛土。無煩惱名。於是國土佛所聞法華經。具足佛道。卽引此經證云。有羅漢若不聞法華。自謂得滅度。我于餘國爲說是事汝當作佛也。又設於此土得遇受持讀誦解義之人。亦得決了。故南岳師云。餘佛者四依也。羅漢遇之。聞經決了。又云。羅漢修念佛定。見十方佛爲說此經。便得決了。若言念十方佛。則是已發大心。若復唯念釋尊。力因小感大。亦是機發使之然耳。

1 2 3 4 5 6 7 8 9 10

1 2 3 4 5 6 7 8 9 10

(癸)五明無虛妄

舍利弗汝等當一心信解受持佛語諸佛如來言無虛妄無有餘乘唯一佛乘

先勸信釋迦實說次勸信諸佛誠言後結成唯一佛乘所以止疑謗也初正法說中初長文竟

(庚)二偈頌爲二初頌許答二頌正說

(辛)今初

爾時世尊欲重宣此義而說偈言

比丘比丘尼有懷增上慢優婆塞我慢優婆夷不信如是四衆等其數有五千不自見其過於戒有缺漏

護惜其瑕疵是小智已出衆中之糟糠佛威德故去斯人渺福德不堪受是法此衆無枝葉唯有諸貞實舍利弗善聽

上慢我慢不信四衆通有但出家二衆多修道得禪謬謂聖果起增上慢在俗矜高多起我慢女人智淺多生不信不自見其過者三失覆心藏玼揚德不能內省是無慚人也若自見過卽有羞僧也於戒有缺漏者律儀有失名缺定共道共有失名漏乏定道故內起惡覺如玉含瑕缺律儀故外動

60 1 2 3 4 5 6 7 8 9 70

7 8 9 80 1 2 3 4 5 6 7 8 9

身口。如玉露玼。覆罪自安。不知發露故名護惜。小智者不得學無學智。而有世間小智。妄計有漏以爲無漏。小中之小。故言小智也。未有無漏禪定滋潤。但有世間味禪。故如糟。未有出世理慧。但有文字薄解。封文失旨。故如糠。又糟糠譬無大機。枝葉譬非好器。悉不任用。故須遣之。四偈皆頌揀許。未一句頌誠許。略不頌順許也。

辛二頌正說二。初頌四佛章。二頌釋迦章。
壬初
中四。初頌諸佛。二頌過去佛。三頌未來佛。四頌

現在佛。
癸初頌諸佛與長文共有三異。一彼

此互無。長文有歎法而無五濁。今有五濁而無歎法。二前後間出。長文先歎法。次明不虛開權顯實。今先開權顯實。後明不虛。三開合不同。長文勸信與不虛合說。今分勸信隔於不虛。又長文以釋迦方便釋成諸佛之權。今以釋迦顯一釋成諸佛之實。是四異也。文爲五。初頌施權。二頌顯實。三頌勸信。四舉五濁。五頌不虛。
子今

初

60 1 2 3 4 5 6 7 8 9 10

諸佛所得法。無量方便力。而爲衆生說。衆生心所念。種種所行道若干。諸欲性先世善惡業。佛悉知是已。以諸緣譬喻言辭。方便力。令一切歡喜。或說修多羅伽陀及本事。本生未曾有。亦說於因緣譬喻。并祇夜優波提舍經。鉢根樂小法。貪著於生死。於諸無量佛不行深妙道。衆苦所惱亂爲是說涅槃。

諸佛所得法者。修道得於諸權法也。良由自行因滿所感。後得無分別智。亦名爲差別智。正當自行體內權也。卽此法體。亦不可說。以方便故。爲衆生

說成化他權。照九界機。說七方便。九是所被教不出七。說七被九。漸令人實。七九之中。隨何等機。聞何等法。遇機便逗。初無一定。故云無量方便力。而爲衆生說也。現起希望名爲所念。念卽是欲。習欲成性能爲後種。加以先業。有善有惡。差別若干。誠非一緣一譬。一種方便所能度脫。惟佛悉能知之。故能隨宜說九部法。令其一切皆歡喜也。歡喜則必生善滅惡入理。舉初以該後耳。九部者。通論則大小各十二部。別論則小或十一。或但九部。其如

玄義中說。鈍根樂小法下六句。結施權意。前世根
鈍。今世無機。不堪聞大。故言不行深妙道。前世貪
著障重。今世衆苦所惱。唯可聞小。故言爲是說涅
槃也。

子二頌顯實四。初頌理一。二頌人一。三頌教一。四
頌行一。五今初。

我設是方便令得入佛慧。未曾說汝等當得成佛道。
所以未曾說。說時未至故。今正是其時。決定說大乘。
我此九部法隨順衆生說。入大乘爲本。以故說是經。

佛慧。即是一大事因緣也。若約能知。乃是行一。若
約所知。則是理一。又若約說經。應是教一。若約所
詮。則是理一。蓋亦取便名爲理一也。

①二頌人一

有佛子心淨柔軟。亦利根無量諸佛所。而行深妙道。
爲此諸佛子。說是大乘經。我記如是人來世成佛道。
以深心念佛修持淨戒故。此等聞得佛大喜充徧身。
佛知彼心行故。爲說大乘聲聞。若菩薩聞我所說法。
乃至於一偈。皆成佛無疑。

此正頌上諸佛如來但教化菩薩也。廣出諸方便人。皆成實人。有佛子心淨。卽別教人。爲諸佛子說大乘經。得記心喜。卽成圓教真實之人。聲聞若菩薩者。聲聞兼得緣覺。卽是兩教二乘。菩薩兼得藏通大士。皆成佛無疑。則七種方便。無非佛子明矣。此是極聖誠說。奈何不信。

(丑)三頌教一

十方佛土中。唯有一乘法。無二亦無三。除佛方便說。但以假名字引導於衆生。說佛智慧故。

此正頌上如來但以一佛乘故。爲衆生說法。無有餘乘。若二若三也。但以假名三教引導。令人佛慧一教。是故約方便說。則可暫有。約究竟論。決無二

三

(丑)四頌行一

諸佛出於世。唯此一事實。餘二則非真。終不以小乘濟度於衆生。佛自住大乘。如其所得法定慧力莊嚴。以此度衆生。自證無上道。大乘平等法。若以小乘化。乃至於一人。我則墮慳貪。此事爲不可。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

唯此一事實等頌上諸有所作常爲一大事也。佛自住大乘等頌上唯以佛之知見示悟衆生也。後六句釋成不以小度之意二頌顯實竟

(子)三頌勸信二初舉果勸信二舉因勸信 (丑)今

初

若人信歸佛如來不欺誑亦無貪嫉意斷諸法中惡故佛於十方而獨無所畏我以相嚴身光明照世間無量衆所尊爲說實相印

佛心清淨衆惡斷盡無畏說法此內德可信也妙

相莊嚴光明炳著爲衆所尊說大乘印此外德可
信也

(丑)二舉因勸信

舍利弗當知我本立誓願欲令一切衆如我等無異如我昔所願今者已滿足化一切衆生皆令人佛道昔有誠誓今酬誓故說此昔願可信也菩提願滿化他同入究竟之因因則不虛彌可信也問本誓旣普今衆生尚多願云何滿答佛三世益物無有已時今且約現在機熟名願滿也三頌勸信竟

60 1 2 3 4 5 6 7 8 9 10

1 2 3 4 5 6 7 8 9 10

1 2 3 4 5 6 7 8 9 10

(子)四舉五濁四。初總明五濁障大。二別明五障。三

明爲五濁故說小。四明爲大施小。小治五濁。大

願得興

(丑)今初

若我遇衆生盡教以佛道。無智者錯亂迷惑不受教
衆生以苦惱自煎諸佛以大悲濟物。悲與苦相對
故言相遇又佛如衆生如。一如無二如。天性相關
故言相遇夫盡教以佛道佛之本懷也。無智迷惑
而不受教。五濁障大也。彼既有障安得不設方便
以漸誘之。經云過去有佛號住無往。發願使已國

衆生同日同時成佛卽日滅度。又賢劫前有佛號
曰平等亦願已國及十方衆生同日成佛卽日滅
度。若爾今日有佛復有衆生云何耶。佛言止止。我
前所言得人身者耳。頗有發願令五道同日成佛
否。佛言不可以非器之身成無上道要先化三趣
令得入天然後乃可如願三趣非善道。何能成佛

(丑)二別明五障

我知此衆生未曾修善本。堅著於五欲癡愛故生惱。
以諸欲因緣墜墮三惡道輪迴六趣中。備受諸苦毒。

此二偈別明衆生濁也。真如實相名爲善本。不依此種善根。故不能感大法。五欲爲諸惡本。從癡有愛。則衆惱競生。

受胎之微形。世世常增長薄德少福人。衆苦所逼迫。此一偈別明命濁也。處胎經從初七日乃至三十八七日。真說漸漸增長之相。卽所謂世世常增長。真可厭離。觀心釋者。一念心起。卽爲未來作業。業卽胎胎業無窮。世世不斷。卽是增長。

入邪見稠林。若有若無等。依止此諸見。具足六十二

此一偈別明見濁也。五見交加。如茂林稠密。若有是常見。若無是斷見。依於二見。成六十二見。真如法數。

深著虛妄法。堅受不可捨。我慢自矜高詔曲心。不實此一偈別明煩惱濁也。略舉根本中貪慢。小隨中詎以攝其餘。

於千萬億劫。不聞佛名字。亦不聞正法。如是人難度。此一偈別明劫濁也。長時不聞佛法。卽是劫濁。又上來四濁集在時中。故名劫濁。五濁障故。不信一

乘故難度也。觀心釋者念念惡覺永無正觀以自覺是不聞佛名永不與入正道相應是不聞正法此心則難度也。二別明五障竟五毒也。人無財是故舍利弗我爲設方便說諸盡苦道示之以涅槃

(丑)四明爲大施小小治五濁大願得興我雖說涅槃是亦非真滅諸法從本來常自寂滅相

佛子行道已來世得作佛析三界妄盡滅色取空則非真滅以無明別惑尚

在則界外變易生死正自浩然也若體達無明本空諸法何有如翳見空華華相本虛也法雖本寂若不修道無由契會故言佛子行道已來世得作佛如空華雖寂若不除翳無由覩淨空也四舉五濁竟

(子)五頌不虛

我有方便力開示三乘法一切諸世尊皆說一乘道今此諸大衆皆應除疑惑諸佛語無異惟一無二乘先權後實巧爲五濁施此方便誠言不虛勿生疑

60 1 2 3 4 5 6 7 8 9

10 1 2 3 4 5 6 7 8 9

也。初頌諸佛竟。

法華經義四

二十六

④二頌過去佛。一初略頌開顯。五廣頌開顯。

子

今初

過去無數劫無量滅度佛百千萬億種。其數不可量。如是諸世尊種種緣譬喻無數方便力演說諸法相。是諸世尊等皆說一乘法化無量衆生令入於佛道。初二偈明施三後一偈明開顯也。說一乘法卽教一化無量衆卽人一入佛道卽行一及理一。

⑤二廣頌開顯二初總明方便助顯。二別示開顯

之相 丑今初

又諸大聖主知一切世間天人羣生類湊心之所欲更以異方便助顯第一義。

天人羣生是舉諸乘以明人一異方便是舉諸教諸行以顯教一行一第一義是理一也。正因佛性卽第一義若用圓妙正觀則是實相方便不稱爲異。今用五乘七方便等而玷顯之名異方便卽指下文六度乃至供養稱名等也。良由衆生樂欲不同故使諸佛方便有異然方便雖異助顯則同。既

顯實已此異非異殷勤稱歎良由於此

(丑)二別示開顯之相二初約衆善顯緣因功德二

約聞經顯了因功德寅初中七初約六度明開顯二約戀慕心明開顯三約供舍利明開顯

四約造佛像明開顯五約畫佛像明開顯六約供塔像明開顯七約稱佛名明開顯卯今初若有衆生類值諸過去佛若聞法布施或持戒忍辱精進禪智等種種修福慧如是諸人等皆已成佛道正因佛性生佛體同幻障若深永不值佛得值過

去佛者則是內因力強得感出世緣也然其深心所欲不同所以諸佛說法亦異在彼一時或聞頓法或聞漸法或修布施或修持戒或修忍辱或修精進或修禪定或修智慧或單修一法一行或兼修餘法餘行或轉或助種種不同又或以相心修六度或以無相修六度或以非相非無相次第修六度更復種種不同由今觀之既得皆已成佛皆證理一則如是諸人卽人一所修福慧卽行一所聞諸法卽教一矣此中聞法及智慧似宜屬於了

因。讓後聞法華經故但屬緣因也。

(卯)二約悲戀心明開顯
諸佛滅度後若人善輶心如是諸衆生皆已成佛道承上文言不但值佛聞法修行六度者已成佛也卽諸佛示滅能于如來起悲戀心一念之間捨惡從善化劙爲輶在彼一時似屬人天二乘由今觀之亦皆已成佛道佛道既證理一則是諸衆生卽人一善輶心卽行一示滅卽教一矣

(卯)三約供舍利明開顯

諸佛滅度已供養舍利者起萬億種塔金銀及玻瓈
碑礎與碼礎玫瑰琉璃珠清淨廣嚴飾莊校於諸塔或有起石廟旃檀及沉水木檼并餘材甃瓦泥上等若於曠野中積土成佛廟乃至童子戲聚沙爲佛塔如是諸人等皆已成佛道

承上文言又不但悲戀如來而生善輶心者已成佛也卽諸佛滅後碎身爲若干舍利是諸人等爲供舍利起寶塔者下至起石廟者起土廟者乃至童戲爲沙塔者或有舍利如芥子許或無舍利或

60 1 2 3 4 5 6 7 8 9 10

以誠心。或以戲心。在彼一時。則謂功德。或大或小。或有或無。由今觀之。亦皆已成佛道。佛道既證。理一。則如是諸人。卽人一起塔。起廟。積土聚沙。卽行一。碎身爲舍利。卽教一矣。按釋迦示滅。旣荼毘竟。大迦葉言。如來舍利。非我等事。自有國王王子大臣宰官長者居士。婆羅門等樂福田者。廣修供養。我等事者。宜應結集三藏。勿令正法速滅。由此觀之。迦葉傳佛心印。故以先務爲急。人天樂種福田。則以供養爲先。就彼修供養時。所發三乘五乘心。

願不同。而由過去諸佛方便力故。久久之後。未有不歸於佛道者。又按經中造塔之法。如來十三級。辟支佛五級。阿羅漢四級。阿那含三級。斯陀含二級。須陀洹一級。輪王無級。級者輪相也。今時凡夫動輒起塔。以凡濫聖爲戾。不輕語云。君子愛人以德。縱令弟子尊師。豈可陷師於濫聖之罪。又縱令死者冥冥。寧不顯生者之碌碌耶。

卯 四約造佛像明開顯

若人爲佛故。建立諸形像。刻雕成衆相。皆已成佛道。

1 2 3 4 5 6 7 8 9 10

或以七寶成。鎰鉢赤白銅白蠟及鉛錫鐵木及與泥。
或以膠漆布嚴飾作佛像。如是諸人等皆已成佛道。
承上文言。又不但爲供舍利起塔起廟者已成佛
也。隨用何物建立形像。在彼一時物有粗妙價有
高下。心有誠否。願有遠近。亦似功德有大有小。由
今觀之亦皆已成佛道。佛道是理一。諸人卽人一。
作像卽行一。如來分別造像功德卽教一也。然優
婆塞戒經造像不許用膠。得失意罪。而此經用者。
古師云。外國用樹膠耳。有言大豆汁可代膠清。又

地持不許用雌黃臭物。戒經不許造半身像。又立
佛像前不應坐。坐佛像前不應卧。又造像功德經
略明十一功德。一者世世眼目清潔。二者生處無
惡。三者常生貴家。四者身如紫磨金色。五者豐饒
珍寶。六者生賢善家。七者生得爲王。八者作金輪
王。九者生梵天壽命一劫。十者不墮惡道。十一者
後生還能敬重三寶。又云。若人臨終發言造像乃
至如麥麪能除三世八十億劫生死之罪。當知此
等功德並是華報果在佛地也。

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

卯五約畫佛像明開顯

彩畫作佛像。百福莊嚴相。自作若使人。皆已成佛道。乃至童子戲。若草木及筆。或以指爪甲。而畫作佛像。如是諸人等。漸漸積功德。具足大悲心。皆已成佛道。但化諸菩薩度脫無量衆。

承上文言。又不但建立佛像者已成佛也。畫佛影像。自作使人。乃至童子戲畫。在彼一時。則謂功德。或大或小。或有或無。由今觀之。亦皆已成佛道。佛道是理。一諸人是人。一漸漸積功德。具足大悲心。

卽行一。但化諸菩薩。卽教一也。又但化二句。明彼

成佛後事。乃是自證四。復以四一度生。

卯六約供塔像明開顯

若人於塔廟寶像及畫像。以華香幡蓋敬心而供養。若使人作樂擊鼓吹角貝簫笛琴箜篌琵琶鏡銅鍼。如是衆妙音。盡持以供養。或以歡喜心。歌唄頌佛德。乃至一小音。皆已成佛道。若人散亂心。乃至以一華供養於畫像。漸見無數佛。或有人禮拜。或復但合掌。乃至舉一手。或復小低頭。以此供養像。漸見無量佛。

60 1 2 3 4 5 6 7 8 9 10

自成無上道廣度無數衆。入無餘涅槃。如薪盡火滅。承上文言。又不但起塔。起廟。寶像。畫像之前。修諸供養。皆得也。隨於何等塔廟。寶像。畫像之前。修諸供養。皆得成佛。具論供養。不出五塵。華幡蓋等。色塵也。樂音。歌唄聲塵也。香。卽香塵。禮拜。卽觸塵。又衣服。是觸塵。飲食。是味塵。此略不言。理必有之。又供養須論三業。敬心。卽意業。頌德。卽口業。禮拜。合掌。舉手。低頭。卽身業。約此五塵三業。塵則或多或少。業則或專或散。在彼一時。則謂功德必有差別。由今觀之。

並成四一。復以四一廣度衆生。三惑薪盡。二死火滅。入無住處。大般涅槃也。經文若使人作樂者。出家比丘。比丘尼。沙彌。沙彌尼。在家國王長者。宰官居士。並無自作音樂之理。所以必曰。使人至於歌唄頌德。則出家在家。通得爲之。然亦須知大體。若梵音和雅。則僧俗咸宜。若濫同詞曲。則律所不許。每見近時唱讚。多用曲家腔調。又禮懺作梵。不遵古式。競引長聲。只恐長他貪慢。增已放逸。福少過多。思之擇之。

(卯)七約稱佛名明開顯

若人散亂心入於塔廟中。一稱南無佛。皆已成佛道。承上文言。又不但五塵三業供塔供像者已成佛也。卽散心一稱佛名。亦皆成佛。南無此翻歸命。亦翻度我。亦翻敬從。調達臨終稱南無未得稱佛。便生身陷入地獄。佛記其從地獄出當作辟支佛。名曰南無西國有事天像者。以金爲像頭。賊來盜之。取不能得。賊稱南無佛。使得金頭。明日衆人聚而議曰。天像失頭。便是無天來著耳。著者云何失頭。

天卽附一人語曰。賊來取頭時。稱南無佛。諸天皆驚動是故得我便。是故失頭。衆人曰。天不如佛耶。旣不如者。何不事佛。賊稱南無佛。尚得天頭。况賢者稱佛名。十方尊神寧敢當之。但精進勿懈怠。那先經云。如人持一石置水。必沒無疑。若持百石置船上。必不沒。有惡業人。直爾死。必墮泥犁。如石置水。若臨死稱南無佛。佛力故。令不入泥犁。如船力。故使石不沒。又經云。華林園第三大會九十二億人。並是釋尊遺法中。一稱南無佛人。得見彌勒也。

又佛世有一老人。徧求五百上座剃度。上座觀其宿無善根。咸不見許。最後值佛。佛言。此人于無量劫前入山採薪。遇虎懼怖。一稱南無佛。今此稱名。善根熟故。所以得度。由其別無他善。所以久久流轉生死。由其劫數長遠。故非聲聞道眼所見所知。夫既得證阿羅漢。則亦必證無上菩提明矣。夫散亂稱名。尚必成佛。况一心不亂哉。一念相應。一念佛。一日相應。一日佛。是心作佛。是心是佛。此而不信。吾未如之何也已矣。

初約衆善顯緣因功德竟

(寅)二約聞經顯了因功德

於諸過去佛。在世或滅後。若有聞是法。皆已成佛。道是法。正指妙法華經開權顯實之法也。上來六度乃至像教供養。乃至稱名。並是諸佛以異方便。助顯真實。尚得開之成妙緣因。况復此經正顯真實。若有聞者。卽了因種。寧不成佛。然約聞經之時。或解不解。有相無相。至心散心。事非一概。亦得義論五乘差別。而一歷耳根。永爲道種。若遠若近。終因

60 1 2 3 4 5 6 7 8 9 10

斯脫。未有一人不成佛者。此是諸佛真語實語。不可不深信也。問。何意約過去佛廣明五乘同皆入實。答。三世佛皆有開權。但未來未起。現在始行。於證義弱。過去開權已久。受化之人。皆成四一。並於十方施權顯實。證義則強。構之虛言。不如驗之實事。故於過去佛廣約五乘顯實也。二頌過去佛竟。

(參)三頌未來佛二。初頌施權。二頌顯實。(子)今初未來諸世尊。其數無有量。是諸如來等。亦方便說法。

(子)二頌顯實四。初頌人一。三頌行一。三頌教一。四

頌理一 (互)今初

一切諸如來以無量方便度脫諸衆生。入佛無漏智。若有聞法者。無一不成佛。 無對言具二種封破具。
約聞法者無不成佛。故是人一。若約能度節教一也。佛智所證即理一也。入於佛智。即行一也。

(互)二頌行一

諸佛本誓願我所行佛道。普欲令衆生亦同得此道。自行化他無非佛道。故是行一。

(互)三頌教一

60 1 2 3 4 5 6 7 8 9 10

未來世諸佛雖說百千億無數諸法門。其實爲一乘。諸佛兩足尊知法常無性。佛種從緣起是故說一乘。百千億無數諸法門者指五乘七方便等一切權說。其實爲佛乘者正明說權之意說雖在權意本在實權卽實家之權故得開之同成了因也。知法常無性者實相常住無自性無他性無共性無無因性。空無性亦無性。空一無性言。具二無性。卽是無性性無相性也。本自有之故曰常無知者照也。具如止觀第五不思議境中一念三千非自他等。

旣無四性。一念亦無。卽是性空。旣無一念。無念亦無。卽是相空。乃不思議之二空也。若本自二空。卽是性德。若推檢入空。卽是修得。推而不成。須修萬行。正助合行。行中具足一切諸行。方名緣因。聞斯義已。方乃名開問。世間因緣可以四句了生無生。今性本淨。非關緣起。何須以此四句推之。答。世法緣起。亦本無生。但由情計。謂之爲生。理性亦爾。由謂自他等。故須推之。二空不顯。尚須更約續待推檢。况因成耶。問。今文何故不立斯觀答。經從利根。

1 2 3 4 5 6 7 8 9 10

者開也。佛種從緣起者。中道無性。即是佛種。迷此理者。由無明爲緣。則有衆生起。解此理者。由教行爲緣。則有正覺起。欲起佛種。須一乘教。故是頌教一也。又無性者。卽正因佛性也。佛種從緣起者。卽是緣了。以緣資了。正種得起。一起一切起。如此三性。名爲一乘也。三因不改同名爲性。舉體成修復稱緣了。是則理卽位中。苦爲正因佛性。惑爲了因佛性。業爲緣因佛性。此三佛性。不縱橫。不並別。不可思議。無自性。乃至無無因性。無性亦無性。自此無性。以爲正因佛性也。名字位中。薄有微解。亦有微行。卽是無性之性。舉體而成微解。微行乃至觀行相似位中。解行漸著。亦是無性之性。舉體所成。自此名字觀行相似位中。不可思

三因以爲緣。因佛性也。分真位中。初住一發一
切發。正因理心發。名法身德。了因慧心發。名般若
德。緣因善心發。名解脫德。不縱橫。不並別。不可思
議。自此分真位中。不可思議。三因以爲了因佛性
也。究竟位中。性德顯盡。修德畢功。故曰正種得起。
一起一切起。卽是顯果乘相。依正主伴。乃至酬因
一塵一行。一時俱起。起者成也。修性一合。無復分
張。卽是理性三因究竟圓頓。故曰如此三性。名爲一乘。

㊂四頌理

是法住法位。世間相當住於道場。知已導師方便說。是者指上性修不二之一乘也。此一乘者。卽是法住。亦名法位。從無住本立。一切法此無住本不可

60 1 2 3 4 5 6 7 8 9 10

動故。名爲法住。種種諸法總不出此範圍。名爲法位。舉此法住法位而爲正覺世間之相亦是常住。舉此法是常住故所以正覺世間之相亦是常住。是法住法位而爲衆生世間及器世間之相。法住法位是常住故所以衆生及器世間之相亦是常住。是則三世間相一一無非常住。一一無非法住法位一一無非一乘。但衆生迷闇不能覺知。于常住中妄見生滅。于一乘中妄見差別。唯有大覺導師坐于道場。如實知已於不可說離諸戲論寂滅理性。

能以方便說此理一。又能以異方便助顯此理一也。問悟此理性。名爲正覺世間。以順性故。性常相亦常。是則可也。迷此理性而爲衆生世間。旣違性故。性雖本常相必無常。云何衆生器世間相亦常住耶。答如冰與水同以濕爲性。濕卽以冰水爲相。冰水無常卽是濕性無常。故目此濕性以爲無性也。濕相旣常。卽冰水之相皆常。故目此冰水之相以爲常住也。又一乘無性之理。如屋本不轉。如來悟之。如醒人見其不轉。九界迷之。如醉人妄見其

1 2 3 4 5 6 7 8 9 10

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

9

法華會第
四二
轉。彼雖見轉本屋不轉。故衆生世間相及器世間相。彼雖妄見生滅。其實是常住也。以衆生及器世間。卽無性故。卽法住故。卽法位故。又如翳眼妄見空華起滅。而空華實無起滅。以無性故。以卽空故。世間常住其理如是。一切衆生。但有理常。聞而能解爲名字。常念念體察心心。無間名觀行常。粗垢先落。六根清淨爲相似常。豁然開悟。證於四十一位。真因爲分證常。圓滿顯發。無餘無欠。爲究竟常。始終平等。故名爲卽升沉。碩異故須辨。六依於平。

等之體方有升沉之異。如依虛空。方論遠近。故云全性起修。順二修一任升沉。迥異不離平等一體。如遠與近。不出虛空。故云全修在性。教來詮此。故爲教一。行來契此。故爲行一。人必會此。故爲人一。

三頌未來佛竟

〔參〕四頌現在佛

天人所供養。現在十方佛。其數如恒沙。出現於世間。安隱衆生。故亦說如是法。知第一寂滅。以方便力故。雖示種種道。其實爲佛乘。知衆生諸行。淡心之所念。

60 1 2 3 4 5 6 7 8 9 70 1 2 3 4 5 6 7 8 9 80

過去所習業。欲性精進力。及諸根利鈍。以種種因緣
譬喻亦言辭。隨應方便說。

天先頌爲化之意。次頌顯實。後頌施權。如是法者雙
指權實法也。第一寂滅。卽理一。方便示種種道實
爲佛乘。約能示。卽教一。約所示。卽行一。知衆生諸
行等是施權也。初頌四佛章竟。

壬二頌釋迦章。二。初略頌上權實爲下文總譬作
本。二廣頌上六義爲下文別譬作本。癸初中
華二。初頌顯實。三頌施權。子今初。

今我亦如是。安隱衆生故。以種種法門宣示於佛道
此文具頌四一。今我亦如是者。如於諸佛之是。同
以一實教化衆生。卽總頌顯實也。安隱者涅槃秘
藏。是安隱處。佛自住其中。亦安置衆生同入此中。
安隱處。卽理一。衆生。卽人二。種種法門。入佛道。卽
行一。宣示。卽教一。詳贊朴本。春矣。難得大乘。註
子二頌施權。未今耳。或破是矣。用贊步長。一
我以智慧力。知衆生性欲。方便說。諸法皆令得歡喜。
智慧力。卽權智也。知性欲鑒小機也。說諸法。正施。

60 1 2 3 4 5 6 7 8 9 10

1 2 3 4 5 6 7 8 9 10

權也。皆歡喜稱機宜也。上來二偈雖略收佛一化
原始要終罄無不盡。故稱略頌上文權實爲下總
譬六義本也。一者今我亦如是。我卽釋迦是一化
之主。爲下有大長者譬作本。二者安隱卽大涅槃
常樂我淨無五濁障。對顯三界五濁名不安隱爲
下火宅譬作本。三者衆生節。受化之徒爲下
五百人譬作本。四者安隱法還對五蜀不安隱法
爲下火起譬作本。五者種種法門對不種種爲下
唯一門譬作本。六者知衆生性欲卽五道中有

三乘根性差別爲下三十子譬作本。初略頌上權
實竟

○二廣頌上六義爲下文別譬作本。六初頌五濁
爲下見火譬作本。二頌施方便化爲下捨几用
車譬作本。三頌顯實爲下等賜大車譬作本。四
頌歎法希有五頌不虛六頌揀衆敦信總爲下
無虛妄譬作本。謂子今初

以貪愛自蔽。盲瞑無所見。不求大勢佛。及與斷苦法。深入諸邪見。以苦欲捨苦。爲是衆生故。而起大悲心。初十一字。明佛有能見之眼。下文云。宅主在門外立。蓋佛在法身之地。以常寂佛眼圓照羣機。若根利濁輕。則以盧舍那像說一乘法。若根鈍濁重。則以老比丘像驚入火宅。方便施三祇。是于時鑒機故。言我以佛眼觀見也。夫觀色法應用天眼。分別根機。應用法眼。今言以佛眼觀者。舉勝兼劣。又四眼入佛眼。皆名佛眼也。六道衆生。下明所見五濁。

下文云。汝諸子等。先因遊戲來入此宅。稚小無知歡娛樂著也。貧窮無福慧。頌衆生濁。入生死二句。頌命濁。渙著等四句。頌煩惱濁。不求等二句。頌劫濁。劫中無佛故。名爲濁。劫若有佛。雖濁能破。深入等二句。頌見濁。或不求四句。總頌見濁。以邪見故。不求大勢佛。不求斷苦法。乃以招苦之因。妄冀捨于苦果。豈可得哉。四濁聚在此時。卽名劫濁。故不必別頌也。爲是衆生故。二句明起大悲應赴。下文云。長者聞已。驚入火宅也。

(子)二頌施方便化爲下捨几用車譬作本。二。初念用大乘擬不得。二念同諸佛用三乘稱宜可得。

(丑)初又三。初明用大擬宜。二明衆生無機。三明

念欲息化。(寅)今初

我始坐道場觀樹亦經行於三七日中。思惟如是事。我所得智慧微妙最第一。

始坐道場者。至理無時。假時化物爲化之初。故言始也。事釋者。初在此處修治得道。故言道場。坐此樹下得三菩提。故名道樹。感樹恩故觀察念地德。

故經行樹地無有分別。豈須報恩。未曾有經云。祇以通化傳法。名報恩耳。過去因果經云。佛成道初七日。思惟我法妙。無能受者。二七日。思惟衆生上中下根。三七日。思惟誰應先聞法。卽至波羅柰爲五人說四諦。陳如得法眼淨。此約小機所見今明佛在法身地寂而常照。恒以佛眼洞覽無遺。豈始至道場淹留三七。方思此事。言三七者表欲三周說法也。初七思法說。次七思譬說。後七思因緣說。皆無機不得是。故息大施小。此獨就圓教大乘釋。若通途

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

約大乘釋者。初七思說圓教。次七思說別教。後七思說通教。皆無機不得。是故息太說三藏三乘方便也。觀心釋者。樹卽十二因緣之大樹也。深觀緣起自成菩提。欲以無漏法林蔭益衆生。故言觀樹。經行者。大乘三十七品是行道法。自以道品履實相地得成佛道。欲以此法化度衆生。是故起行。三七者。初七欲明中道觀。中道妙難觀。不得。次七欲明卽假觀。卽假觀分別智難生。不得。後七欲明卽空觀。卽空巧度又不得。乃明方便析法小觀也。

(寅)二明衆生無機

衆生諸根鈍著樂癡所盲。如斯之等類。云何而可度智慧既微妙第一。故非根鈍癡盲者所能領解。下文云。諸子無知。雖聞父誨。猶故樂著嬉戲不已也。(寅)三明念欲息化

爾時諸梵王及諸天帝釋護世四天王及大自在天。并餘諸天衆眷屬百千萬恭敬合掌禮請我轉法輪。我卽自思惟。若但讚佛乘。衆生沒在苦。不能信是法。破法不信。故墜於三惡道。我寧不說法疾入於涅槃。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

法華會義四

梵釋雖請佛知無機。所以不說。下文云。諸子幼稚。未有所識。或當墮落爲火所燒也。初念用大乘擬。不得竟。

(丑)二念同諸佛用三乘稱宜可得。二。初明化得。二。釋疑。(寅)初中四。初明三乘擬宜。二明有小機。

三明施化。四明受行悟入。(卯)今初尋念過去佛所行方便力。我今所得道亦應說三乘。念彼雖無大機。不容永捨。須以方便而誘濟之。非都不知施三意。欲引同諸佛故云尋念也。下文云。

卽便思惟設諸方便

(卯)

二明有小機。又二。初明諸佛歎。二明釋迦酬順。

上欲大化於彼無機。故諸佛不歎。今欲說小。曲

會根緣。則始終得度。所以佛歎也。

若不先小。則終必大。大小俱失。若

益。故云始終得度。

(辰)今初

作是思。惟時十方佛皆現。梵音慰喻我。善哉。釋迦文第一之導師。得是無上法。隨諸一切佛。而用方便力。我等亦皆得最妙第一法。爲諸衆生類。分別說三乘。少智樂小法。不自信作佛。是故以方便分別說諸果。

60 1 2 3 4 5 6 7 8 9 70

1 2 3 4 5 6 7 8 9 80

雖復說三乘。但爲敎菩薩。

初三句釋迦自敎佛現。由念佛方便力故。契法契機。所以佛現也。次五句。是諸佛稱歎釋迦以能爲實施權。故云善哉。爲一施三。引入佛慧。故云第一導師。證微妙第一實智。故云得無上法。隨一切佛隱實施權。故云用方便力。次四句。諸佛自明。我等亦隱實施權。次四句。雙釋隱施之義。爲衆生少智。不自信作佛。所以隱實爲樂小法。所以施權說諸果也。後二句雙結二義。始雖說三。終必顯一。

(辰)二明釋迦酬順

舍利弗當知。我聞聖師子深淨微妙音。稱南無諸佛。復作如是念。我出濁惡世。如諸佛所說。我亦隨順行。初一偈發言酬順。南無此云敬從也。後一偈念順物機。二明有小機竟。

(卯)三明施化

思惟是事已。卽趣波羅柰。諸法寂滅相不可以言宣。以方便力故。爲五比丘說。波羅柰卽鹿苑也。中道無性佛種之理。此理非數

60 1 2 3 4 5 6 7 8 9

又不可說。今以方便作三教說。又非生非滅。而以方便作生滅說。又偏真之理。亦非可說。以方便故

作四門說。初爲五人說。無常有門也。

初以權實相對。實不可說。

說屬於權。三權是數。一實非數。次以生滅不生滅。相對。卽行門不生滅。故不可說。且說生滅。卽大小相對也。後以偏真小理。對小四門。偏真之理。亦不可宣。是則大小兩理。俱不可說。方便爲物。俱可得說。雖俱可說。佛意在實。衆生于

實。非宜故思。方便作生滅說耳。

(卯) 四明受行悟入

機會。卽受隨聞觀轉。卽緩法去。名行。至世第二。名之爲悟。若得

初果名
之爲入

是名轉法輪。便有涅槃音。及以阿羅漢法僧差別名。

轉佛心中化他之法度。入他心名轉法輪。陳如初得見諦。斷分別惑。分證有餘涅槃。涅槃之音。起自此。由此得成無學。便有阿羅漢名。能說者。名爲佛。所說三乘卽法。見諦阿羅漢等卽僧。三寶於是現世間也。初明化得竟

(辛) 二釋疑

從久遠劫來讚示涅槃法。生死苦永盡我常如是說。恐疑師云。佛初未能鑒機。尋念諸佛始知根性。今釋云。爲欲引同。故念諸佛。非今始念方知。從久遠

1 2 3 4 5 6 7 8 9 10 11 12 13 14 15 16 17 18 19 20

1 2 3 4 5 6 7 8 9 10 11 12 13 14 15 16 17 18 19 20

來見其樂小。已爲讚示令盡衆苦。所以聞小卽得解脫也。又恐疑弟子云。云何一世暫聞卽證無學。今釋云。從久遠來爲其讚示。稱于本習。故速得道耳。久遠卽指大通結緣之後。故下文云。父知諸子先心各有所好也。二頌施方便化爲下捨几用車譬本竟。

(子)三頌顯實爲下等賜大車譬本

舍利弗當知。我見佛子等。志求佛道者。無量千萬億。咸以恭敬心。皆來至佛所。曾從諸佛聞。方便所說法。

我卽作是念。如來所以出爲說佛慧故。今正是其時。舍利弗當知。鈍根小智人。著相憍慢者。不能信是法。今我喜無異於諸菩薩中。正直捨方便。但說無上道。菩薩聞是法。疑網皆已除。千二百羅漢悉亦當作佛。佛子以恭敬心來至佛所。會聞諸佛方便說法。此顯三乘行人。皆是佛子。頌人一也。爲說佛慧故。卽是一切種智佛之知見。頌理一也。但說無上道。頌教一也。菩薩疑除羅漢作佛。頌行一也。又初兩偈。明大乘機發。亦云索果。爲下諸子索車譬本。次兩

偈一句明佛歡喜衆生堪得大乘益故爲下見子免難歡喜譬本次三句正明顯實爲下等賜諸子大車譬本後一偈明受行悟入爲下諸子得車歡喜譬本初明由機發故索果應有四句自有障除機未發如諸羅漢在三藏時以樂小故濁障雖除大根鈍故妙機未發自有障未除大機發如法華中諸凡夫等雖未斷結以大根利故機發自有障卽除機卽發如說無量義時證小果卽於此座大機發自有障未除機未發如五千退席等是也志

求佛道是索大果索有三意一大機有感果之義機中論索二情中密索如下文云爲得爲不得三發言索卽殷勤三請昔教之中已有二索但未發言至於今日具此三索問昔出宅索三若是機情索者文云如先所許乃是求三何關求一答出外不見必有異途將昔所許以求異意亦得是索一也咸以恭敬心皆來至我所者如舍利弗請云諸天龍神等合掌以敬心欲聞具足道也曾從諸佛聞方便所說法者具受前四時調熟也二明障除

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 80

佛喜者。佛爲佛慧故出。昔障重無機。不得卽說佛慧。中間雖障除。機未熟。故又未得說。今機發。正是說時。昔衆生根鈍智小畏其謗法。墮惡。今根利志大。聞必信解。故喜無畏。不畏執小謗大。起罪墮惡也。三正顯實者。五乘是曲而非直。別通偏傍而非正。今皆捨彼偏曲。但說正直一道也。四受行悟入者。初聞略諺。謂久後要當說實。三乘無非方便。又謂不退菩薩不知佛智。故菩薩羅漢咸墮疑網。今開權顯實。不惟羅漢除疑。而三教菩薩無不除疑。

不惟菩薩作佛。而羅漢悉亦作佛也。

一子四頌歎法希有

如三世諸佛說法之儀式。我今亦如是說無分別法。諸佛興出世。懸遠值遇難。正使出於世。說是法復難。無量無數劫。聞是法亦難能聽。是法者斯人亦復難。譬如優曇華。一切皆愛樂天人所希有。時乃一出。聞法歡喜讚。乃至發一言。則爲已供養。一切三世佛。是人甚希有。過於優曇華。實又無實本無。參見此。此正頌如是妙法。諸佛如來時。乃說之。如優曇華。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

時一現也。妙法不出權實。儀式者諸佛引物之權。無分別法者諸佛所顯之實。又權實本無分別。爲鈍根小智分別。權實名爲儀式。今還悟入二三。不二。名無分別也。諸佛與出世二句。明人難。次二句。明法難。如四十餘年久默斯要。次二句。明聞法難。如五千退席佛世不聞。次二句。明聽信難。如普會大衆。唯舍利弗一人先能領解。次舉喻。但合聽信者難。餘例可解。

子五頓不虛爲下無虛妄譬本

汝等勿有疑。我爲諸法王。普告諸大衆。但以一乘道教化諸菩薩。無聲聞弟子。汝等舍利弗。聲聞及菩薩。當知是妙法諸佛之秘要。

初六句。誠勿於可信人生疑。次四句。誠勿於可信法生疑。夫世間人。王言則不二。况佛爲法王。豈有虛妄。又方便權說。尚能除濁。况秘要妙法。寧非眞實乎。

子六頌揀衆敦信。又二。初頌揀衆。次頌敦信。

⑤
今初

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

以五濁惡世。但樂著諸欲。如是等衆生終不求佛道。當來世惡人。聞佛說一乘。迷惑不信受破法墮惡道。有慚愧清淨志求佛道者。當爲如是等廣讚一乘道。初四句頌上此非佛弟子。何者。若樂諸欲是行魔業。故須揀之。上文著涅槃尚非佛弟子。此文著生死。那是佛弟子。互揀非耳。凡小俱捨方堪授記。又終不求佛道句。兼頌上皆是增上慢人。以未得上法。謂得上法。是故不復求佛道也。當來世惡人四句頌上。如來滅後受持讀誦解義者。是人難得。後

四句頌上若遇餘佛便得決了

(五)次頌敦信

舍利弗當知。諸佛法如是。以萬億方便隨宜而說法。其不學習者不能曉了此汝等既已知諸佛世之師。隨宜方便事。無復諸疑惑。心生大歡喜。自知當作佛。此頌上實得阿羅漢。若不信此法無有是處也。初六句敦信于權。後六句敦信於實。初法說周中。初

正法說竟

妙法蓮華經台宗會義卷一之四

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

1 2 3 4 5 6 7 8 9

助刻芳名

比丘寂惺助銀二兩

海珠廣助銀五錢

照瑞助銀一兩
性達助銀五錢

比丘尼德井助銀一兩

能參助銀五錢

普徹助銀一錢
照滿助銀五錢

比丘尼普讓助銀五錢

普好助銀一錢

照舒助銀五錢
普音助銀一錢

優婆塞龍照乘助銀二兩

應龍助銀三錢

談普開助銀五錢
吳普見助銀四錢五分

優婆塞龍照乘助銀二兩

傅門馬照安助銀四錢

尹門鄭氏普相一兩
周普定銀一錢

傅門周氏助銀一錢

傅門普善助銀一錢

湯照安助銀一錢
王門郭氏助銀一錢

傅門周氏助銀一錢

朱照淨助銀一錢

王門王氏助銀一錢

60

1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

45

6 7 8 9

3

4

5

6

廿

八